

明詩綜卷三十八

小長蘆

朱彝尊

吳趨

黃昌淳

緝評

文徵明 十五首

徵明初名璧以字行更字徵仲長洲人以歲貢

入京用薦授翰林待詔卒私謚貞憲先生有甫

田集 顧華玉云徵仲七言詩愜當飄逸唐風宋語兩相融化自是一機軸也又云文璧蔡羽徐禎卿邢參藻詞成章雅論合則雖方

古作者未能卓然而碩學茂才固今之雋傑矣 王元美云文徵仲如仕女淡妝維摩坐語又如小閣疎窗置都雅而眼界易窮又云先生詩傳情而發娟秀妍雅出入柳柳州白香山蘇端明諸公間 俞汝成

云徵仲詩似晚唐參以元調 穆濟甫云徵仲書法高一代詩亦秀雅可傳 顧玄言云待詔詩從實境中出特調稍纖弱耳

仲受文法於吳原博受書法於李貞公受画法於沈啓南而又與祝希哲唐伯虎徐昌穀切磨為詩文其才少遜乃言公而能兼撮諸公之長 陳卧子云衡山詩尚平實韻致却勝

明詩綜卷三十八

一

靜去居詩話先生人品第一書畫詩次之骨壘袁氏十懷詩其一云內翰小子師卓行古人傑辭金抗幼齡解用修晚節丹青紛雲煙篇翰爛

虹蜺瑚璉世所珍昭代表三絕可謂言中倫矣先生嘗語何孔目元即云我少年學詩從陸放翁入故於調卑弱不若諸君皆唐音也然則

文之佳惡先生得失自知豈與左丘子輩妄自夸詡者比哉今甫田集詩十五卷集外流傳者尚多蓋先生作書最勤兼画必留題子嘗見所

寫朱竹即以未書題詩其上惜無好事者廣搜為續卷也曩從父維木公治別業於碧漪坊北池荷岸柳有軒三楹懸先生手書於壁即池上

一詩少時諷誦至今猶未遺忘因附錄之視集中所載尤出塵瑤之表拾遺珠於滄海天下之寶當與天下共之矣

早起露坐

炎宵不能寐起坐褰絺幘星麗中天明河連曙暉涼

風不滿鬢落月猶在衣中庭草木稠宿露朝未晞人生

亦旦暮急景無停機撫時懷美人欲往情依依暑寒互

推遷安得願無違

秋日同杜允勝湯子重游東禪寺次子重韻

人事無停機，曦暉正流耀。及茲東城游，駕言謝紛要。杪秋霽景澄，寒原入高眺。靜躁本無媒，憂欣自人召。靡靡霜蘼明，歷歷幽禽調。獨行心已怡，况也偕二妙。燕談析玄旨，悲吟發孤竅。一語何足稽，後期真未料。微風西北來，冷然雜清嘯。

追和錢舜舉山居圖

翠深山帶屋，綠淨水通門。泉石情還重，丘園道自尊。種莎添野色，留竹護籬根。樂事惟心會，休逢俗子論。

飲酒

晚得酒中趣，三杯時暢然。難忘是花下，何物勝尊前。世事有千變，人生誰百年。唯應騎馬客，輸我甕頭眠。

何元朗云雅致

明詩綜卷三十一

二

絕似白太傅

雪後

寒日晶晶曉，溜聲中庭快。雪一宵晴，牆西老樹太骨立。窗裏幽人殊眼明，想見漁蓑無限好。怪來詩思不勝清，江南殘臘相將盡。會看門前春水生。

新秋

江城秋色淨，堪憐翠柳鳴。蝟鎖斷煙南，國新涼。歌白苧，西湖夜雨落紅蓮。美人寂寞空愁暮，華髮彫零不待年。莫去倚闌添悵望，夕陽多在小樓前。

春日游支硎天平諸山

麥隴風微燕子斜，雨晴雲日麗江沙。遙尋支遁煙中寺，

初見天平道上花過眼溪山勞應接方春草樹發先華
夕陽半嶺歸興急慚媿城中自有家

夏日同次明履仁治平寺納涼

竹根雨過石苔斑鐘梵蕭然晝掩關坐愛微涼生碧殿
忽看飛雨失青山雲分暝色來天外風卷湖聲落樹間
最是晚晴堪眺詠夕陽橫抹蓼花灣

滄浪池上

楊柳陰陰十畝塘昔人曾此詠滄浪春風依舊吹芳杜
陳迹無多半夕陽積雨經時荒渚斷跳魚一聚晚波涼
渺然詩思江湖近便欲相攜上野航

致仕出京言懷

明詩綜卷三十六

三

白髮蕭疎老祕書倦游零落病相如三年漫索長安米
一日歸乘下澤車坐對西山朝氣爽夢回東壁夜窗虛
玉蘭堂下秋風早翠竹黃花不負余

夜坐

殘月耿猶在流螢忽自飛一聲何處鶴露下欲霑衣
吳春日懷子重履約履仁

湖上花枝煖欲然寺前楊柳綠生煙憑君莫信春光早
寶積山頭有杜鵑

題画二首

新霜點筆意蕭蕭不盡秋光鴈影遙雙鳥欲浮天拍水
夕陽人在虎山橋

江頭春水綠灣灣江上春山擁翠鬟老我輸他茅屋底
無愁終日對江山

池上

草鳩喚雨雙鳩晴池上柳花縱復橫好風忽卷讀書幔
及君到時春水生

蔡

羽 三首

羽字九達吳縣人以太學生赴選授南京翰林

孔目有林屋南館二集

王元美云蔡九達如灌莽中薈薇汀際之鳥時復嫣然一覽而已穆敬

甫二蔡詩冲雅不俗顧安言云蔡九達之較正秀黃勉之之典麗王履古之華蔚顧行之之顯約陸子淵之有潤彭孔嘉之精彩可得並駕李時遠云九達薄少陵為不足法可謂此蟬撼樹歲詩尚纖縟既而濂除靡曼一歸雅馴晚更沉著時出奇麗居嘗論詩謂少陵不足法聞者疑或笑之是時李獻吉以學杜雄壓海內竄竊剽賊靡然成風九達不欲詿言攻之而借口於少陵少陵且不足法則持

明詩綜卷三十八

四

捲割剝之徒更於何地生

活此其立言之微旨也

詩話杜詩韓筆百世之師也人其頃自絕乎孔目於詩文高自標許以少陵不足言所著建安西京韓柳不足言所擇者先秦兩漢今其集具在篇無妍辭句無聲策此猶淮南帝前自稱寡人夜郎天末不知漢大妄人也已其自序云古之知者必有得有所得而不言與無所得而言均非也其言誠是矣第不知何者為孔目所得雖有詩賦八百餘首文二百首恒河之沙鈞金安在縱曲為解嘲其誰信語

思田園

南方樹藝早嘉蔬當及時王官鑿水罷忽起田園思東
郊織臺笠西郭編茅茨田家不幸苦衣食當待誰曳裾
京華塵徒然情四支

秋泉

我愛秋泉清况仿巖花滴魚游日光中側見潭

引秦後即事

金水荷花接綺軒
石渠銀鑰掌中闈
西崑學士封麻晚
斜日猶開左闕門

湯珍四首

珍字子重長洲人以歲貢生除崇德縣丞遷唐

府奉祀不赴致仕歸有小隱堂詩草王元美云湯子重如鄉三老入

城威儀舉舉終少華治態王敬美云子重詩清雅恬和與文徵仲同調而駸駸時欲度之

詩話子重十試不利晚就一官其之崇德時文徵仲作澹著色山水圖送之景甚蕭遠知其人定拔俗讀浪淘沙詞直詣劉賓客神境非五岳

九達所能及也

觀雨作

溫風鬱蒸溽浮陰昏混茫始迷青嶂色繼隱朱陽光霏
霏灑甘澍浥浥潤下方竹添新籜翠草起枯荻黃熙然

明詩綜卷三十八

五

厚土內生意成舒張憂時切經早喜坐開山堂鑒彼造
化機推遷自有常燥餘必反濕炎及乃回涼君子蹈恒
運小人乖禮坊貪天鮮終克靜俟多徜徉

秋日遲文衡山先生不至

蕭蕭振飄風霏霏灑芳澍遲客向南軒徘徊倚庭樹
裝戒星來傾曦未云赴集本有得非為物牽無乃返中路鳥鳴不相求反己每自顧四句我思鬱

以煩孰克探其故沉憂抱孤景中結豈外慕申訊吐清

謠殷勤待良晤

浪淘沙二首

淮河一道達清河如此風波可奈何東岸沙崩西岸長
南船來較北船多

灑灑瞿塘險未平，衝沙惡浪總堪驚。
相逢盡說公無渡，蜀道何曾斷客行。

張靈三首

靈字夢晉吳縣人

詩話孟晉在生游枝指生之門其画山水足亞伯虎對酒一詩可稱絕唱臨終詩云垂死尚思玄墓麓滿山寒雪一林松如聆雅門之琴頽豔亦為淚下

春暮送友

三月正當三十日，一壺一榼一孤身。
馬蹄亂踏楊花去，半送行人半送春。

對酒

隱隱江城玉漏催，勸君須盡掌中杯。
高樓明月清歌夜，

明詩綜卷三八

六

知是人生第幾回

題唐子畏畫卷

黃茅渚頭熨斗柄，唐子好奇曾屢遊。
太湖煙景此絕勝，還許吾輩閒人收。

凌震二首

震字時東烏程人，正德中貢生，黔陽儒學訓導。

有練溪集鄭註云練溪詩清婉可誦

出宿

悠悠出門來，戚戚念家室。
三里一回頭，五里淚露臆。
託身百年中，何必遠行役。
上攀猿鳥道，下俯鮫人宅。
性命不足憐，仕宦亦何益。
卓哉有陶公，千載為我則。
倦鳥思

舊林翩然返其醜

捉虫

我先老妻眠解衣置熏籠老妻為捉蟲略與捕賊同明
燈集女隸獲多者論功先之以緣督次則殺縫中苟蒐
與奧討指瘡兼牙攻聲言具湯沐會使巢穴空我聞雖
不語慙忍無地容彼貴寢狐貂彼富錦繡蒙旬更月必
換日夕沉水烘何緣有胎媒使汝得潛蹤乃我衣垢敝
遂為汝所宮澣濯既不時煬竈亦何功再思也不然肉
甘汝攸從昔有愁叔夜矯矯其猶龍又有王景略古所
謂英雄伊豈乏富貴汝視如寒窮侵肌啞膚理戢戢攢
銛鋒爬搔未始歇捫撮當王公吾何為汝諱不汝飢餒

明詩歸卷三六

七

供

陳 鐸一首

鐸字大聲下邳人唯寧伯文之曾孫世襲指揮

家南京有秋碧軒香月亭詩集下華伯云大聲詩用意和平不務雕刻深入處

揚范揭之閩奧而漸登盛唐作者之階梯

於世所為散套穩協流麗被之絲竹審宮箏則不差毫末居第之南有

秋碧軒七一居精潔絕塵與勝流談讌山水仍沈啓南自為詩

題其上人知大聲善樂府不知其能画又不知其工於詩也

宿牛首寺

到寺萬緣歇蕭然宿峰頂蒼蒼野色新漠漠秋煙暝天
風在林末空翠散復整支郎緡經處松子落古鼎微涼
入虛檐老鶴飲淺井相期話三生夜坐石根冷疎竹何
蕭蕭雲房亂燈影

徐霖二首

霖字子仁吳人徙南京補諸生坐事削籍武宗南狩召見欲官之固辭賜飛魚服扈從還京後歸里有麗藻堂周古父云子仁詩才策法丹青樂府俱稱能品

詩話稱仙多能藝事書畫之外工填詞北曲文徵仲贈詩云樂府新傳桃葉句彩毫偏寫薛濤箋所築快園康陵南巡兩幸其居有晚靜閣宸幸堂浴龍池及扈蹕入都每夜宿御榻前與帝同卧起永變之初威武近幸多建治坐罪惟子仁脫然亦滑稽之雄也

舟中雜詠二首

綠樹坐黃鸝青秧點白鷺睡起倚船窗知是江南路

今夜河西宿無眠但數更竝船何處客吹笛到天明

謝承舉一首

承舉初名璿字文卿既更名改字子象上元人

明詩綜卷三八

八

有野全子集

顧華玉云近時李西涯主清婉陳白沙主沉雅莊定山主渾雄竝尚理致金陵有二才子謝子象徐子仁凌暉詞苑徐得其婉謝得其雄然徐之學西涯與謝之學白沙定山皆虎賁之似中郎耳 陳羽伯云野全詩如奔流擊雷時一驚人

吳歌

秦淮女郎歌柘枝隔岸吳兒調鳳絲聲聲互荅綠楊裏

正是離人腸斷時

金鑾十二首

鑾字在衡隴西人僑居南京有徙倚軒棗俞汝成云山人

詩多達思別於常調

詩話白門詩家有金琮元玉金丹赤侯金大車子有金大輿子坤金鑾竹溪均著詩集諸金之中吾必以在衡為巨擘焉其五七言近體風情朗潤辭諸解角靈犀近之游麈盡碎矣至若明月照人千里共涼風吹面五更多尤為警策

立秋日呈一二知己

久雨銷長夏涼風生早秋野航如市集江水入城流汗
闌從入笑艱難豈自謀違時况多病寂寞戀交遊

登滄州城

渤海高人去仙臺古蹟存風沙吹不斷天地與同昏野
水添新渌空煙集暮村故園桑柘裏悵望一銷魂

哭湯沂東開府

赤手揮戈日丹心報主時不曾辭力盡那復計身危夜
雨藏兵峽秋風墮淚碑惟餘舊戎馬汗血至今垂

子房山

報主元非漢封侯豈為留早求滄海士晚伴赤松遊故
國山猶在黃河水自流王孫歸去好春草徧芳洲

明詩綜卷三八

九

北河道中

叢臺北向通燕谷曲渚西流繞薊門歸鳥亂啼原上樹
夕陽多照水邊村因悲俗吏趨三輔曾有新詩寄陸渾
歲歲別來春又暮幾回芳草怨王孫

重過歌臺追憶髯仙竹谿二徐老

山公曾醉習家池潦倒當年舊接羅再過已驚非故主
相逢元不是新知屏花帶雨春還麗水檻臨風晚更宜
幾度壚頭覓嵇阮紫簫攜向月中吹

除夕

還憶去年辭白下却憐今夕在黃州空江積雪添雙鬢
細雨疎燈共一樓世難久拚魚鴈絕家貧常為稻梁謀

歸來故舊多凋喪，愁對東風感壯游。

送友人南還

錦堂歌出酒初陳，銀燭燒殘月半輪。
青海共驚千萬里，白頭相對兩三人。
伊州折柳傷遲暮，江縣逢梅入小春。
去住關心各無那，西風滿道起秋塵。

感燕

故園門巷近烏衣，但見花開燕子飛。
一自天涯與相別，可憐春盡未知歸。
綠楊庭院傳聲杳，芳草池頭顧影稀。
何處脩梁更堪寄，日斜江上倍依依。

九日喜河上寇平奉簡二三知己

聞道官兵下泗州，五河羣盜已全收。
可憐白首重生日，

明詩錄卷三十一

十

却喜黃花正及秋，多病不妨連夜飲。
故人還爲幾時留，西風莫趁歸心急。
吹落清江數點鷗，

春城曲

雨餘芳草遠萋萋，春暖遊人信馬蹄。
日暮西樓歸去晚，落花香裏路東西。

寄吳厚丘

黃金散作買花資，白首誰能戀故知。
同作孟嘗門下客，西風吹鬢獨歸時。

邢參一道

參字麗文吳人有處士集

詩話麗文，猶者平生不事干謁，若志讀書，除夜有海佑以百金乞墓文，
峻拒之，抱藤擁衣，飢以待旦，其介如是。明初高侍郎季迪有北郭十友。

麗文亦有東莊十友吳曙次明文徵明徵仲吳奕嗣業蔡羽九達錢同
愛孔周陳淳道復湯珍子重王守履約王龍履仁張靈孟晉故其詩云
昔賢重北郭吾輩重東莊會誠難得同盟詎敢忘麗文遺集罕傳予
從金處士侃借得手鈔本錄竹枝一首
詩神鬼門載桃花仕
女詩入絕竹枝三首在焉其二則山桃花開紅更紅西湖荷葉綠盈盈
皆麗文集中心詩所云紹興上舍葛榮定飲園中美人歌詩百絕侑觴乃
好事者為之
不足信也

竹枝詞

家住東吳白石磯門前春水浣羅衣朝來繫著木蘭櫂

閒看鴛鴦作隊一作飛

王寵三首

寵字履仁更字履吉吳縣人以諸生貢入太學

有雅宜集

顧華玉云履吉詩刻尚風骨擺脫靡靡既正體裁復減

體與盛唐諸家相雄長 蹊徑五言沉鬱類曹植鮑昭七言跌宕類杜甫岑參近
初宗李旣宗杜去輕麗而就沉著尚鋪綴而略陶鎔 王元美云王履

明詩綜卷三十八

十一

吉如鄉少年久游都會風流許雅而不盡脫木末面目又似揚州大宴
雞鮮珍水陸而時有宿味 穆敬甫云履吉詩如雨後芙蓉綽約有致

俞汝成云履吉情學義卷向秀字工在吳中可稱作者 何元朗云
王雅宜詩清警絕倫無一點塵俗氣真天上謠仙人也所欠者沉著耳
中道而天末

見其止惜哉

詩話履吉亦中材爾諸公
惜其早亡譽之未免過實

聽琵琶

紫塞傳龍撥崑丘學鳳鳴春風吹白雪總是斷腸聲司

馬千行淚明妃萬里情當杯愁未已天末海雲生

一作橫

辛巳書事

居庸碣石控關門玉几由來北極尊閣道逶迤經海岱

天河隱見出崑崙斗間遂識三階列日下從知九軌奔

奠鼎卜郊非細事萬年圭鬯保文孫

虎丘送許仲貽

旗亭卮酒送君還去鳥流雲信宿間日暮銷魂此回別
望君重上虎丘山

沈翰卿一首

翰卿字子羽江陰人儒學生有石灣集

懷施武陵子羽

天子觀射臨澤宮三矢中鵠欽英風鹿鳴嘉賓慨未逢
高篇重許合大雅置之建安七子中

詩話子羽詩尚穩帖如此
語雖未工取其立格踈硬

張詩一首

詩字子言本姓李宛平人有崑崙山人集王元美云張子

明詩綜卷三人

十二

言如甘州石斗色
澤如玉膚理巖漫

詩話岳氏今雨瑤華以崑崙山人詩屬卷然詩實不工方棠陵謂之曰
君詩雖佳第情實如無山稱山無水賦水非激而錫不戚而哀是已足
亦切中其病

送呂思抑募兵遼東

六郡募奇兵三韓列漢營甲光開絕塞海氣動高旌楊
柳關山月梅花雨雪情引弓十萬衆不敢復橫行

鄭作四首

作字宜述歙縣人自號方山子往來梁宋間李

夢陽流寓汴中招致門下有方山子詩選汪禹又云宜述

詩大槩悲壯王仲房云宜述家本商賈讀書

苦吟為人負氣任俠故其詩雄渾跌宕有風骨

詩話宜述游汴際空同詩名未大盛時北面稱弟子以是空同深愛之
何大復所云老鄭空同客也其詩經空同選擇序而傳之且為作方山

精舍記又贈詩云近時好事最者誰徽州鄭
生孝愛我今觀其詩頗俊別遠勝五岳山人

聞鴈

秋日江南去春風塞北歸
祇愁羅網密敢戀稻梁肥
獨往寒天遠高飛舊侶稀
游人夜不寐感爾淚霑衣

登高

萬里登高望烽煙接汴州
愁生一作添飛鳥外心逐一作亂大江流
弟妹今何在干戈卒未休
前行塗路阻蹤跡且淹留

客中聞四弟消息

昨遇梁園使孤城舍弟居于戈
長在目烽火不通書汝計
猶長缺吾心已做盧兩鄉
千里隔相望各需裾

除夕

明詩綜卷三八

十一

除夕愁難破還家夢轉頻
十年江海客孤館別離人
殘漏聽還盡寒燈坐愈親
梅花滿南國誰寄一枝春

程 誥十一首

誥字自邑歙人有霞城集

李獻吉云程誥詩神境融會足以散置名家 王仲房云自邑

足迹半天下其詩得山川之助為多體裁既全篇章過富珠以沙迷反滋識者之憾

詩話自邑好為汗漫之遊山川郡邑凡所經歷必紀以詩氣格專學空同第才情稍鈍色澤未鮮五言庶稱具體

秋陟靈金之巔由范坑過舍頭至靈陽憩方氏山

館

入山恨不深采芳思凌緬戒嚴事初程憑虛瞰前峴氣
逼日始熾光滿露猶泣奔峭既厓陟盤曲亦磴轉步迅
險易踰憩頻蔭難選俯眄巢枝禽仰聆吠風犬想像巖

居人于焉傲軒冕瑤華若堪把白雲况在眼撫物興彌
敦觀化理誰遣試語同懷人竭來此樓行

遊齊山

城市意弗適煙霞風所尚逍遙越崇堤徙倚對層嶂峽
存巨人跡亭紀使君創洞入身暫屈厓陟首屢仰雲竇
凝不開石門屹相向寄隱固我慚集仙竟誰當
尋覓帳遺跡歷覽訝殊狀來頻心有得興至情益放留
連暮未返引領月欲上

自秀山深入陟嶽

自我客秋浦秀山亦屢入顧茲奇勝多恨未徧探歷今
晨興忽動捫葛履危岌石拂旣久坐厓倚亦暫立香氣
暗忽度碧光深可挹行迷儔侶遙喜溢僕御及飄飄驚
風來陳陳吹雨急蠟屐早已著蘿衣不妨濕

登吳山

蘿磴凌晨上松門倚杖過風煙攬吳越表裏見江湖水
遠雲俱白峰高日易晡賞心延縱目邂逅此山隅

登北固山

松林度幽僻蘿磴轉孱顏眺望堪千里東南有此山江
流包楚徼地勢控吳關萬古登臨意風檣不暫閒

白沙逢余子陳却送之金陵

新詩滿行橐相見未遑論趁月浮江舸乘潮入郭門聽
歌桃葉渡問酒杏花村羨爾遙乘興無由共舉樽

峽夕

楚塞連三峽巴雲暗五溪鄉心春鴈過各淚夜後啼百丈緣流險雙崖壓樹低孤城丹巘麓江白露淒淒

夜泊乾灘寄肇之

江迴月媚娟蘆花渚路連暝沙圍宿鷺風樹曳驚蟬廟祭傳讎鼓津喧索渡錢愁心付漢水遥寄秣陵天

市汊驛下阻風

江干日色黃北風怒不已君看上水船一日三百里

琵琶亭

殘照亭皋夕秋風旅鴈飛琵琶千載恨淚滿逐臣衣

洛下逢汪子明

明詩綜卷三十八

十一

我行西入秦驅車洛陽陌相逢故鄉親况是東歸客

高澗一首

澗宇宗呂侯官人有霞居于集

詩話少谷居盤峰北從之游者九人鄉鄙目為十才子少谷詩所云一時賢士俱傾蓋滿地羊蹤笑舉杯是也九人者高二十二宗呂居首傅二木虛次之餘有林九王七施二其名不得而詳矣宗呂家取貧少谷稱其事母至孝事兄至悌又稱其甘貧守節安安然人無知者蓋高傳為鄭門弟子之冠少谷於傳盛誇其文於高則美其行云

岳陽樓

巴陵城上岳陽樓樓外長江日夜流殘雨數聲衝岳曉

暮霞孤鴈洞庭秋仙人夜奏沙邊笛估客春移樹杪舟

十二危闌閒極目滿汀楊柳不勝愁

傅汝舟三首

汝舟字木虛一名丹號丁戊山人一曰磊老候

官人有前五生行己外篇

鄭繼之云生詩淵致蕭散多發之性情其道江湖林壑神仙隱

逸直臻其要妙上下魏晉抗聲于式德天寶之間大曆而還不論也

王道思云汝舟才知文采足以得意仕進獨舍去而不好其舍之盡至於狗井屋廬不復可居而妻子不足畜也舉一世之禁利無足好而區區吟詠之工不能忘亦其才知所敏不可終藏而見之於此也

王元美云備汝舟如言法華作風詠凡多聖子俞汝成云汝舟詠怪贅牙難於諷詠徐興公云汝舟詩雖師鄭吏部而天然之趣尤勝如雖貧

未一榻能高對縱老名山志遠尋異書自得作者意長劍不惜時人看此等句吏部當為知少矣

詩話前生詩刻意學少谷子故多崛奇語句如楚樹懸猿直衝雲帶

鴈斜宿雲長抱殿游鶴不歸松野客逢迎少山僧出入尊白為溟海浪

青盡島夷山地濕孤蒲氣風生鸛鶴毛皆銼鍊而出不肯猶人生弟汝

時號二傳或是鑿峰九人之一乎

宿山心永樂

朝登三仰峰夕宿山心菴久入名山遊蹊徑頗盡諳始

明詩綜卷三六

十六

知九曲外復有南山南森邃更險豁深篁倚煙嵐沙田

稻翼翼巖桂花毵毵踈籬隔雞犬朽樹藏蜂蠶嘗傳武

陵原旁有捕魚潭伐木不到遠却留松與楠雲光卸秋

屨回首望石龕經旬四攀眺偃息此日堪澗芹食轉美

草榻卧正酣枕中有鴻寶何必問周鼎

未至白塢投宿新坪農舍

雲洞更何許新坪又一村前林露微月半嶺聞驚後野

老不避人篝燈候茅屋始笑行路難百里已三宿

月下

月明坐空山不覺石苔冷猿嘯揉藤蘿亂我松桂影

傅汝楫一首

汝楫字木剌汝舟之弟有卧芝集

過石田草堂哭之

頻年我理吳航至幾度相逢笑口開沙雨江風今日淚
歲寒愁絕是重來

石麟一首

麟字永也桐城人

詩話永也白果歌載龍眠風雅未免冗長予為芟汰存之其曾祖英字內含正統間居郭北吉塘享年一百有三生七子二十三孫有同庚友許澹初魏谿叟年九十時棄家學道不知所之內含百歲之日賦詩憶之云庚申共守人何在甲午同生獨詠詩樹即內含所植也

白果樹歌

先人卜築闢榛蕪手種白果樹兩株愛他離離祇結實
曾無花謝花開日兩株樹各七分枝樹下人家亦七支

明詩綜卷三十一

十一

聞昔萱莢葉象十二月南海一風草一節由來草木知
先幾人中之幾知者稀

錢元善一首

元善號存菴桐城人刑部尚書如京子以廢官
都督府經歷終魯府長史

春日感懷

春風三月景依然弱柳游絲觸處牽家遠隔年無信到
官閒鎮日枕書眠林鳩逐婦晴遠雨沙燕將雛去復旋
遙憶故園春更好江樓背郭看鉏田

程佳一首

佳字令甫休寧人

獨坐

空館寂無人，撼撼鳴木葉。乍疑風雨聲，忽見當窗月。

陳 璽一首

璽字德符，閩縣人，有守。魯集。

斑鳩

香禽自何處，共立枝頭語。喚起曉耕人，西疇足春雨。

徐定夫一首

定夫字士安，海鹽人，有望吟藁。

夜坐懷石林茶谷二上人

林秋萬籟集，木葉下高岑。佳人渺何許，月明空此心。夜

久河漢沒涼風，飄衣襟徘徊。寂無語幽意，託孤琴引領。

明詩綜卷三十八

十八

西巖下俄聞鐘磬音

戚 韶五首

韶字龍困，松江華亭人，有集。

孫貞又云：龍淵詩如燕趙奇士，矯伉自信，又云：龍淵

詩奇崛，自喜。

終少編藉。

詩話：龍淵，遠宗揚陸，近學莊陳，嘗遍和谷音古詩七律，頗饒跌宕之趣。孫少保毅齋合王鶴坡張一桂集題曰：二詩翁鏤板傳之三君，皆珠璣

也。鎮人。

初夏即事

綠陰清館午，風涼花落晴。溝水亦香市，擔鰕魚從曉賣。

鄰家櫻筍及時嘗，筐盛雜綫絲。絲急場撲飛蛾打麥忙。

寒食過來芒種近，穀芽今似韭芽長。

買舟

兩兒扶醉采芙蓉，驚喜扁舟落手中。到處溪山堪出入，此身天地任西東。出門便覺輕千里，伸脚還能睡一翁。昨與河神澆福酒，三江吹斷石尤風。

自注家有與堂

和陳簡齋清明日

虛名何苦要人知，五十稱翁較未遲。造物於人固多忌，清明今日可無詩。百年臣子粗安日，八口妻孥向老時。筋力漸衰雙眼澀，一生正坐讀書癡。

王荜春日江上

江晴燕子故飛飛，江上春帆何處歸。南浦久懷芹菜美，北山初獻蕨苗肥。心驚醉語常多悔，事到中年漸覺非。明日舞雩須一往，二三童子試春衣。

明詩餘卷三十八

十九

高閣對坐有懷鶴坡

靜裏身閑不欲眠，寺西高閣寄超然。滄波萬頃來天際，白鳥雙飛去雨邊。洗竹祠前依水檻，賣魚倉口就瀧船。王程消息三千里，惆悵鶯花又一年。

傅起巖

一首

起巖初名洪，字晉卿。既更名字，夢求無錫，人有

正峰集

京師書事次舒國裳殿撰

京國烟花重盧溝，雪樹消宮陳開帟幄。仙仗下簫韶御酒，蒲萄綠官庖。芍藥調天顏多喜氣，報捷在今朝。

鈞仲玉

三首

仲玉字貞父吳江人有五浮山人集

豐存禮云烏溪格律謹嚴神氣

飄逸不為鈞棘之語 俞羨長云孫太初一代詩豪罕有所許可獨與吾鄉鈕貞父善時相唱和 林若撫云五浮山人詩根本性情纏綿體感備 金孝章云烏溪詩鬱紆深婉雖處草莽有忠愛之思 詩話烏溪漫草豐存禮序之而世罕傳近其裔孫刊五浮山人集 迹其當時恒與孫太初黃勉之酬和詩亦頗類太初非勉之可及

崔二丈園亭

芳園甫營葺修竹稍陰翳村徑入沙平紫門俯江閑惠風蕩炎氛微雨續新霽好鳥時相鳴疎花還自媚于焉一徜徉頗愜幽人意寧違官府期且與鄰翁醉

返照

返照吞江色歸雲護石田半含吳地曲不盡越山偏萬木迴元氣羣鴉接暝煙飄然陸魯望隨意汎湖船

明詩綜卷十八

二

微陰

雲氣微含雨江村小作陰煙中雙鳥没天際一龍吟落日傷春事扁舟繫客心放歌巖木動隨意酒杯深

徐

充一首

充字子擴江陰人有鐵硯齋集

題扇

綠樹陰中款竹扉幾家臨水狎漁磯日長門徑無車馬燕子楊花自在飛

趙

金二首

金字淮獻烏程人布衣正德中詔徵不起有浮

休集

詩話徵士居南澤著書闈間入其門者有如深登巨坐小築出入
湖陶然自酌南坦箬溪二尚書絕峴山會造盛詩入社不應也年六十
營蘭室斂平生齒爪爪髮之已脫者洗滌而囊藏之以爲狗彘之具賦
全歸詩三章其一云憶昔髫年時嘗記齒初斲歷歷眞牙生蘇食藉以
進適來筋骨衰齒牙搖且振朝夕學記齒初斲歷歷眞牙生蘇食藉以
豁落殆盡萬物有消長死生當委順其二云十指之爪乃筋之餘搔彼
白首藉爾爬梳一彈指頃歲月其駛時或蛇之式用藏只嗟嗟此爪我
心不違他日觀化亦從而歸其三云朝梳菴梳白髮滿首一朝禿盡眞
成老醜藏諸囊中括之無咎天地一毫惟我所有人言白髮公道不負
其將全歸其顏何厚又自爲生祭文輓詩自是不復出年八十九而卒
其詩不陷時習取境故超

過菱湖

人去餘不路遨遊一問津村孤船作市地絕水為鄰菱
滿官租足魚鰕野饌新衆山遙映帶相對碧嶙峋

郊居

自愛閒居卜近郊獨將心迹寄衡茅桃花水泛魚吹浪

明詩綜卷二十六

主

芹草泥香燕補巢雜植桑麻供國稅細分杞菊入山肴
平生方外誰為友冷澹雲霞信可交

陳鑑二首

鑑字用明海鹽人有勾谿集

錢幼卿云山人詩鮮芳幽
精劇琢性靈絕無浮音節

響

西村諸社友見訪雨夜分得微字

門外泥深草路微滿江風雨暗斜暉春潮正急不可渡
有酒相邀且莫歸屋帽田衣留竹桁茶煙藥火共氍毹
重招更有茶蘼帖爛醉花前願豈違

種菜

曉日園頭抱甕頻滿衣寒氣露華勻老夫一箸非容易

為語人間食肉人

徐鱗三首

鱗字紹卿吳縣人有在筇集

黃清父云徐君揆藻最早享年最壯其詩貴華采尚

標致經營用思愈入愈深點綴既成更務清明吟諷再三真賞自得

皇甫子循云山人以詩名者孫子言孫太初皆游大人以成名君獨不

自造請阮窮已甚而志猶暢適其篇什格高調古意新句秀旨遠而辭

緝聲諧而氣宕謂不出於孫張之右邪 劉子威云蘇有兩徐生昌穀

或舒以促或餘以殺各以一成

詩話紹卿學詩於蔡孔目而標格矜爽所謂弟子不必不如師

十一 謁伍相祠

湖口風色霽繫纜登雲厓迴阡度修壟肅穆趨神祠翠
柏蔭壇宇碧草生階墀英賢去千載靈氣儼生時暉暉
燭影耀靄靄香煙滋入郢志亮畢棲越心空疲不忘嗣

明詩綜卷三十一

三十一

主諫恐負先君知朝承鐫鏤賜暮見東門師空江日夜
流忠烈何時隕至今姑胥臺空傷慶鹿馳

聞黃子得之下第

十上空垂橐三春祇弊裘說難心獨苦塗遠暮何投聞
鴈書頻繫看花淚暗流誰憐一生恨頭白在皇州

甲子除夕宿魚卿館

旅跡元無定衰情此更加飄零逢歲夜惆悵宿君家醺
竿春生綠風霏雪度花故園今夕意悽斷若天涯

姜玄二首

玄字玄仲吳江布衣有集

意陶錄務期雅澹

詩話布衣沉思韻語具兼
楊孟六之體所欠筋骨

暮秋集白陽山人五湖田舍

倚檻開湖色釣簾見浦沙晚田惟種秫春浦亦宜瓜落帽松風近浮觴竹日斜坐來忘出處幽意愛陶家

牧童

煙中草深黃犢肥百舌繞身原止飛斜陽幾處吹蘆笛

頭戴衣裳渡水歸

黃嘉仁 一首

嘉仁餘姚人有半山遺藁

田家

煙含暝色入村場一畝平田隔草堂急雨初收新水滿

蕩花香雜稻花香

明詩綜卷三

馬

駢字共甫江都諸生

詩話共甫為知泉州府事岱之子與兄駢次甫騁用甫並有詩名駢著蘇泉集二十卷今失傳共甫撰有春秋探微十四卷吾鄉曹侍郎有其書而揚州新舊志均未載也詩頗去陳言

曉行

明河欲西垂樹杪大星落隱隱遠煙消霜天一聲角

村獵

隴斷沙痕淺山空月色孤歸來夜將午射得紫顛狐

張金 四首

金字子堅江都人儒士

題丁道士小房

一徑晚來雨千巖秋正深潭空魚出藻果熟鳥窺林絕
參蒼煙斷迴廊敗葉侵此中堪辟穀人世信銷沉

雨中泊太倉

太倉城河潮水生石橋西下官鼓鳴客子思家孤夢遠
舟人刺船雙櫓輕橫風倒海浪作勢急雨過山雲不行
暫時繫纜小港口城門擊柝聞初更

寓嶽祠

尋常不到山前路洞口閒雲盡日封時有聽經童子至
不知身是石潭龍

泊金閭

金閭門下燈火明吳姬水調歌入城曲終夜靜不知處

明詩歸卷三八

音

涼月滿船春水生

吳夢一首

夔字舜南高郵州人諸生

山居即事

颯颯樹頭風山犬吠不已呼童啓柴扉明月照谿水

蔡圻一首

圻字子封江都人儒士

雨後即事

亂流東下晚霞生破屋西邊落日明卷盡墨雲山雨歇
出門扶杖看天晴

陳瀛一首

瀛字古庄海鹽人國子監生選授宛平主簿

石林山房

輕風落樹散林煙海日三竿正熟眠
傷午起來花落盡不知雷雨過山田

顧文淵一首

文淵字靜卿仁和諸生有滄江集

晚發錢唐

潮平小櫂發錢唐俄頃帆飛過富陽
兩岸好山看不盡數聲漁笛起滄浪

楊學禮一首

學禮號東濱上海諸生

明詩綜卷三十八

春興

菖蒲枸杞滿庭栽書閣垂簾半掩開
蛺蝶不嫌春色澹隔牆飛去又飛來

陳小簫三首

簫字德音閩縣久有竹居集

送辰翁還閩

飄零同楚越此別各風煙後會知何日
相思動隔年孤燈雙淚盡萬里一帆懸
誰見家園好椒花勝裏傳

寄訊

春風轉憶別衡廬淮水茫茫老客居
却被故園兒女笑至今猶作未歸書

除夕感懷

椒觴兩見客中傳
簫鼓喧喧暗自憐
縱使明朝得歸去
今宵還說是明年

朱應辰 一首

應辰字拱之一字振之寶應人應登第貢士

東湖曲

曲岸香風起汀洲
采白蘋鴛鴦浮
綠水偷眼蕩舟人

陳 字 二首

宜春舟次
字字時清寧德人有五真集

宜春舟次

客塗寂寞晚風寒
舟次宜春近石灘
苦竹叢深山鷓雨

明詩綜卷三八

三六

令人却憶鄭都官

園居

無事柴扉盡日閒
嬾情幽興每相關
却嫌新筍都成竹

遮過門前一半山

嚴時泰 一首

時泰餘姚人官福建鹽運司同知有牢盆集

詩話山陰陳起侯撰浙士登科考於弘治至西載湖廣中式一人嚴時泰注云辛未三甲按辛未登第者乃江夏人晚以石副都御史巡撫四

川陞工部右侍郎致仕楊用修贈詩所云昂昂嚴夫子矯矯人中龍長才抱經濟大雅含春容叩之清廟絙朱瑟縣之東序鏗金鑪者是其人

也若餘姚嚴時泰祇官福建鹽運同知故其詩名牢盆集集中有云憶我東南來於時歲方晏又云暮西禪宇又云願為微官縛臂在關中

所賦然則用修贈詩別是一人黃黎州徵君編姚江逸詩誤運同即侍郎未免為起侯所惑矣

出城尋山

雜負山澤情平明出游行崎嶇既經丘峻絕還陟嶽征
衫清露濡垂蘿或相習縈紆度林涇草樹益蔥蒨古洞
闌無人聊以憩吾倦幽鳥遺好音起覓不可見含情倚
嘉樹日暮增繾綣憶我東南來於時歲方晏春徂忽已
夏逝景迅流電不樂復如何嗟爾玄髮變

王 瀛一首

瀛字元溟會稽人有西湖冶興

韜光菴

吟邊喜與故人登老樹無枝石有稜坐久江湖聽漸遠
寒山高出白雲層

明詩綜卷三十八

明詩綜卷三十八

三

王 瀛一首 會稽人官福建鹽運司同知有牛益集

王 瀛一首 會稽人官福建鹽運司同知有牛益集

王 瀛一首 會稽人官福建鹽運司同知有牛益集

王 瀛一首 會稽人官福建鹽運司同知有牛益集

王 瀛一首 會稽人官福建鹽運司同知有牛益集

王 瀛一首 會稽人官福建鹽運司同知有牛益集

明詩綜卷三十九

小長蘆 朱彝尊 一錄

雪苑 宋葦金 一緝評

姚 涑一首

涑字維東慈谿人嘉靖癸未賜進士第一歷官

翰林院侍講學士有明山存豪

靜志居詩話文徵仲待詔翰林相傳為學士及揚方城所窘冒言於東曰吾衙門非画院乃容画匠處此何元則董說述之而曰二人只會中狀元更無餘物衡山長在天地間今世更有道者姚涑楊維禔者耶聞者以為快心之論然學士嘗與孫太初薛君高子業相和且聞山東李中麓富於藏書特遣其子就學即徵仲去官日躬送至張家灣賦十詩送別比之魏巍萬華至其贈行序略云自唐承隋設科第以籠天下士爵祿予奪足以低昂其人於是天下風靡士無可稱之節者幾八百餘年然猶幸而有獨行之士時出其間以抗於世而天下之人亦固不高之求之唐則元魯山於宋得孫明復二子豈有萬第顯位為可誇哉徒以其矯世不涅之操好古自倍之志足以風勵天下而一時

明詩綜卷三十九

一

名流皆樂為之稱與焉耳今之世如二子者說難其人吾於衡山先生竊以二子比之而衡山之所造則又有出於二子之所未純者先生明經術以為根本宋詩賦以為英華秉道誦以為壇宇立風節以為藩垣蓋嘗聞之却吏民之賻以崇孝也度嘗議之聘以保忠也絕荷頓之遊以勵廉也謝金張之饋以敦介也不備於台鼎之議以遂其剛毅也不恩於輜桑之招以植其堅貞也此數者足以當君子之論而先生未始以為異也嘗震江表流聞於天子之庭先生亦烏指而述哉曩者先生之貢於春官也朝廷錄其賢拔而官之翰苑儒者其指以為藥者先生不色喜官僅二載年僅五十餘先生瘞以南轡為念吾每謔言留之而先生持益堅三疏乞歸竟得請以去先生其有悟於達人之指邪嗟夫先生嘗試於鄉矣有司以失先生為恥而先生之名益高嘗官於朝矣錢曹以不能留先生為恨而先生之節益重嘗出於科目之外貴加乎爵祿之上爵羅之不能取繫維之所不能磨焚燬之所不能收彈射之所不能驚翩然高翔如鳳皇之過疏圃飲流瀨回蒙泥下視泰山之鷄啄腐鼠以相嚇者何不侔之甚也傳所謂難進而易退易從而難畜者其先生之徒與自大道既滿好惡立於一鄉而不可達於天下之廣要舉狗於一時而不可合於萬世之公故吾之論先生直以魯山明復為喻而使世之觀先生者不當以三吳之士求之也釋其詞傾倒元何如者而謂學士有是言邪金華吳少君詩話說定推何太史然則元朝乃好為詭語者虞山錢氏信何氏之說遂不鍾學士詩未免偏於聽矣

秋夜偶成

新涼沁苧衣楚客悲遲暮林葉墮寒颼臯禽警清露銀河沒半空秋影在高樹何處洞簫聲吹徧江南路

徐階 十三首

階字子升松江華亭人嘉靖癸未賜進士第三授翰林編修抗疏論孔子廟制斥為延平府推官稍遷浙江江西提學副使入為司經局洗馬入金匱歷升禮部尚書入直無逸殿尋入東閣辦事累

文貞有少湖集

少師負物望膺主眷當分宜驕汰之日以精緻自持陽柔附分宜而陰傾之分宜敗後盡反其軋政卒為名相嘉靖中閣臣如華亭新鄭皆以文貞起家而志在經世不求工於聲律若張桂議禮諸公本非詞臣又勿論也陳士其詩不專臺閣

明詩綜卷三九

詩話先祖妣徐安人為文貞公曾孫余少日登世經堂觀永陵手勅羅列梁棟間蓋得君久而不棄罕有過焉者當日袁繼中於西內撰青詞湛元明為鈐山作詩序貽笑士林而公不盡所長讀少湖文集有醇無疵非諸公所易幾矣

感興

烈風振黃塵長夜何颼颼浮雲東南來各有雨雪謀美人金玉姿煢煢倚高樓寶玦雙明珠欲致道阻修嚴霜瘁百草荏苒歲已邁寒暑五代謝日月無停輶至理諒斯存耿耿生百憂冥冥雙飛鴻可望不可求

贈傳神蕭鴻臚

蕭君七年別來自江西瀆以彼絕妙手寫我羸頽肌揮毫捷風雨初不經意為須臾兩徐生竝出當前櫂兒童走相問何以更有茲我笑不為言視久竊自悲容顏醜

如此已見猶惡之苟觀盡才俊何由使愉快請君爲潤
色稍就斌媚姿君怒不復磨我亦慚無辭誓終抱此醜
亟訂漁樵期

送考功朋石楊君赴留都

昔人賤榮達今人慕通顯所履非有殊中得異深淺欣
戚緣感生塵幻非實踐望賒情日悲理會境俱遣子年
二十強才器重瑚璉春明去不顧此意昔所鮮因之內
自媿孱鈍玷華選會當理歸楫長嘯謝軒冕

送司封仲芳楊子赴留都

哲人重道義朝貴不足廢丈夫志四方遠適非所悲如
何與子別悵悵不忍辭古道日淪替羣諛紛追隨子獨
諒迂僻經訓相劇規去住忽以異麗澤安所資頽波無
停流靈耀亦西馳感此重念子何以慰爾知至理不外
得吾心實吾師願言勵操存千里同襟期

送沈進士子善尹鄱陽

治民如烹鮮此語傳自昔邇來才俊士古訓恥誦習譁
然煩其令藉口興與革遂令田野間奔走廢耕織朝廷
念元元置吏務安輯豈意更勞擾肥身重民瘠沈生起
巍科探討遍六籍况復有家教茲義諒能識鄱陽號樂
止近稍異往日撫摩還富厚夙夜在努力高才如騏驎
千里初發迹康莊與曲徑慎哉審所適

送趙甥赴衛輝幕

汝母子之姊六年長於予予昔生十齡夜燭誦詩書汝
母執女紅竟夕與予俱茲事四十年想像昨日如頭顱
各已白相望天一隅每懷骨肉情中宵起嗟吁春來獲
見汝差足慰煩紆汝今幸有官汝毋當怡愉汝本故家
子書香襲中裾子衰媿忝竊早晚賦歸歎汝宜兩念此
奉法保民譽祿養儻能久庶報生汝劬舅甥共休戚贈
言不以諛曷哉萬里程夙夜慎所趨

送王國完東歸

春色千門柳歸航兩月塗歲更鄉夢切客去草堂孤會
合期猶阻翻飛意不無瑁湖煩問訊松菊恐荒蕪

送曹一坡判辰州

明詩綜卷三十九

四

衡嶽已無鴈辰陽吁可知未愁會面阻豫計得書遲屯
戍煩兵力流亡苦歲饑若為宣帝澤遠慰故人期

瓜洲風雨不克渡江

未遂歸來願空驚歲月奔布帆三日雨茅屋數家村山
氣遙連海江聲近到門無緣得飛渡東望欲消魂

送顧起元甥壻之京

病中愁送客况復是殘年雨雪三更夢江湖萬里船天
垂龍塞沒星接鳳城懸到得燕山路應書數字傳

廣信阻雨有懷子明弟

山國夜多雨冥冥氣不分石田寒貯水松逕濕蒸雲灑
密愁仍見聲微醒故聞西堂何處所知共惜離羣

分水關

峻嶺開閩服重關限楚氛星隨分野異地漸燠涼分人語聽難辨山名得未聞所嗟南逝水不似北歸雲

橫溪為彭允禎賦

橫溪東去水迢迢虛閣重簷共寂寥山外夕陽低度鳥雨餘春渚暗通潮寒空落葉書聲靜秋草孤帆客夢遙欲徙西湖湖上石為君乘月更吹簫

潘恩四首

恩字子仁上海人嘉靖癸未進士累官南京工

部尚書改都察院左都御史卒贈太子少保謚

恭定有笠江集

張惟靜云子仁詩刑範自然體裁各適已深入作者堂奧徐伯臣云笠江詩相感唐充然自

明詩綜卷三十九

五

得王元美云公詩根

祇鄴中間及開元大曆

詩話先大母徐安人為恭定公女孫所出子七齡時塾師課以屬對不協安人述舊事謂公六歲能調四聲因以公所言詩韻輯略授予自是知別四聲矣公詩凡風雅什樂府五言雜體靡不擬又與高子業田叔禾相酬和其用力深而取友之善也

塘上行

綠蒲生中池其葉何蒙茸與君締昏媾焉知鮮有終三月楊柳花飛泊隨春風入沼化為萍吁嗟無定蹤衝波一相激葉葉自西東我心元不移君情忍中絕妾生禽不如鴛鸞故成列妾生草不如絲蘿可高揭妾生木不如連理枝糾結越鳥豈北翥吳江不西旋妾生一以棄苦相誠可憐恨無奮飛翼委志畢君前

從庾嶺北歸至萬安縣舟中作

嗟余謬時網作吏入西粵飽歷五嶺雲四見梅花發草
樹冬常青嵐霧晝不歇狗祿歎迷方留滯慚英達駕言
適京師歸途嶺初越忽驚險阻盡俯視原隰闊白沙綴
疎星碧水澹華月乘流耳目新破浪情神豁鷗鳥會我
衷飛鳥恣怡悅雖牽行役悲吾躬庶可閱

當陽晚行

山行日有程中路速修軫牛羊夕下來嶺日忽以盡石
滑露華零木號風力緊野燒漸已微疎星忽而隱倦翻
怯途遙迷方憐步窘僕御慘不歡勞生况多疾撫時百
慮煎于役良足憫惜哉紱冕牽久負沮溺西

西湖上

明詩錄卷三九

六

西湖如練風日清西山屏障更分明上方金碧自相映
下界鼓鐘時一鳴槐柳青溪張席罷菰蒲白水放舟行
此時政切東南想怪爾浮雲空北征

鄭曉一首

曉字室甫海鹽人嘉靖癸未進士累官南京吏
部尚書尋以右都御史協理戎政改刑部尚書
卒贈太子少保謚端簡有集

詩話端簡公家法甚嚴道訓子孫倡優不許入門違者以不孝論府諸
宗譜之外築別業於城東北隅穿池中央四面種蔬藥宿客至者燕於
池上百可亭亭陰有牡丹數本嘗與夫人玩花豚一蹄魚一尾雞子四
枚酒三行而已嗣先妣孺人爲公來孫子嘗譜書其地芋魁芥孫豆棚
瓜堰恍若深村今已屬之他姓矣公銳意經史學韻語
不多作然曾刊鳴唐萬選絕句以行非不留心風雅也

彭城

彭城天下險萬里接河源落石東南斷飛濤日夜喧江
淮連絕島齊魯入平原寄語當關者征求無太繁

張時徹 七首

時徹字唯靜鄞縣人嘉靖癸未進士授兵部主
事改禮部出為江西提學副使歷福建參政雲

南按察使山東右布政使河南左布政使以命
都御史撫四川再撫江西遷南京刑部侍郎改

兵部進尚書有芝園集

楊用修云芝園匠意鑄詞色具體
補江子順云唯靜立格漢魏取

材六朝而音節變調出入開寶之間情屬景生神在象外 錢受之云
尚書詩學殖富有力深重樂府古詩與會標舉時多割獲七言今體
塵空無穢若出兩手 陳卧子云司馬樂府頗
有造構近體宛情麗逸如層臺佚女竟帶雲霞
詩話芝園樂府不規摹古人較之濟南覺勝
五律頗近初唐七律潦倒蘆疎無幾焉已

明詩歸卷三十九

七

彭彭者車 五章

彭彭者車于彼河洲有美丹漆不以飾輶彼君子兮使
我心憂一 彭彭者車于彼河側矯矯騏驎不以服輶彼
君子兮使我心惻二 爾之弦矣眾維韋矣爾之石矣眾
維脂矣匪爾圖之狂維眾之迷矣三 矢之既釋不可反
也錦之既張不可卷也我生有定終不可轉也四 修爾
疆畝藝爾黍稷保艾爾生夙夜無斁如彼見龍時哉斯

匡五

秋胡行

衆鳥有匹胥邀以遊擊而有別實惟睢鳩彼誰者子矯
矯卿侯突而好我中心孔羞卿有婦兮妾有夫悅彼冰

予曾睢鳩之不如予一解倉庚啾啾春日載陽執我懿

筐采彼柔桑彼誰者子車馬龍驤含情流睇黃金是將

獸有穴予鳥有林卿有金子不如我有心予二解明明

日月照臨下土女子有行畏彼多露彼誰者子繡衣朱

輅美也可悅不念其故山有木兮水有魚子不信兮孰

可與同居兮

三解

北征雜詠二首

養鳥莫養鸞藝麻莫藝蘭芳香難為用過美多憂患田
甲賤死灰白日摧冰山時運有來去禍福無定端周道
蕩如砥朱門競彈冠咳唾生風波誅奪在一言日月不
常盈人生豈得安栖栖巖穴士無為取泥蟠

明詩綜卷三十九

八

羲和無停軌寒暑更相易歲暮誰不歸獨為遠行客荆
榛當路衢烏鳶翔我側疾風吹沙塵白日忽以匿筋骨
既憔悴感此增怵惕悠悠赴壑鱗戢戢歸林翼物性有
如此行役不遑息閭閻不可攀閭風不可即果腹適莽
蒼浩蕩將安極

長安道

月曉一作曙動開長樂風清一作鶯啼遶建章龍媒馳道出鳳吹彩旌

揚繡陌生朱霧銅溝映綠楊渭橋春水漲日日浴鴛鴦

齋居

紫闕風雲迴彤庭日月臨明禋昭代典肅戒小臣心雨

偏渥星河夜不沉長安千萬里應獻太平吟

閨閣曲

穀熟不到釜絲成不上身莫道江南樂江南愁殺人

歐陽德首

德字崇一泰和人嘉靖癸未進士累官禮部尚

書贈太子少保謚文莊有南野集

送胡九峰改太常少卿北上

丹楓江上路送爾倍沉吟南北如相避誰從話此心漸

鴻遵月渚倦鳥怯雲岑孤負溪山約臨風撫素琴

馬坤一首

坤字順卿揚州通州人嘉靖癸未進士累官工

部尚書有石渚集

明詩綜卷三十九

九

苦雨

南國春來不肯晴陰雲接地暗山城翻風何事鶴一作鶴雙

下喚雨忽聞鳩一鳴處處蠶飢吳地妾牀牀屋漏杜陵

生鶯花三月空無賴獨掩柴門對短檠

朱廷立一首

廷立字子禮通山人嘉靖癸未進士除知諸暨

縣入為監察御史升南太僕少卿終禮部右侍

郎有兩厓集

杜宇

愁烟積雨過芳辰乍喜濃陰綠樹新杜宇多情啼不歇

山中可有未歸人

吳鵬五首

鵬字萬里秀水人嘉靖癸未進士累官吏部尚書加太子太保有飛鴻亭集

詩話尚書居里門不自韜晦以是鄉人皆惡之會有詔許佃浮屠廢寺爲民居公子繼輸直於官請佃楞嚴寺隙地且酬僧徒以白金四百兩因葺野樂園蓋與勢佔者稍有別矣園有堂曰光瀛前爲圃曰開閒曰倚荷曰忘機曰都春門曰吾如所堂後有樓曰雲曰樓前亭二曰漱芳曰臨賦小沼環之左右齋各一曰悟真曰守虛園成尚書自爲作記告誡其子謂宮室勿崇土田勿關輿馬勿飾服御勿奢饗饋勿珍執業勿懈交游勿濫鄉鄰勿競施予勿吝辭受勿苟觀其出言也善方諸席寵滅義以惡終者亦有間也尚書詩文頗修暢特少聲氣當在徐沛拯民之饑截漕賑數萬發之而後請命又敗永城賊師詔於五河膽略亦有過人者比於吳之陸完差可怒爾

潞河發舟

解纜催笳鼓青春萬里行煙籠提柳密水泛野鳧輕獨立思王事無才補聖明此心懷魏闕惆悵懼歌聲

明詩綜卷三九

六

永平道中

疎雨未滑道秋風隨使輶磴危頻下馬溪斷不逢橋板屋居何陋蒲蠻習更驕暝投孤館宿寂寞聽鄰籥

夫椒山

夫椒山前孤草亭天風颭颭秋冥冥客來獨鶴忽飛去七十二峰湖上青

舟行雜詠二首

山花瑣細蒨郵亭小艇漁歸水氣腥一路東風嘶去馬土牆斜颭酒旗青

驛亭素壁上苔痕亭下奔流淨不渾慣是秋河愁汎濫漁家偏占白鷗村

屠大山 二首

大山字國望鄆縣人嘉靖癸未進士累官兵部左侍郎巡撫應天與倭戰失利被逮繫獄既而

釋歸有集

屠長卿云公歸田後與里中故人縱飲酒酣援筆作歌了不求工而往往神來非詞人嘔心所得

雜詠

古道有疾藜行者戒經過新徑富桃李過客肩相摩古道日以微新徑日以多江河逝悠悠歎息將如何

聞道

聞道黃河套年來勢不同驚塵昏陝石邏騎薄遼東五月金符動三軍鐵馬雄何當清絕域再見幕南空

李 仁 一首

明詩綜卷三十九

十

仁字元夫東阿人嘉靖癸未進士累官右副都

御史有吾西遺橐

朱中立云吾西清婉和粹有中唐餘韻

茂欽至得德兆起居

不見黃生久天涯怨索居椒蘭懷楚客冰雪斷江魚白日登山履青春負郭廬虞卿能發憤會見早成書

李宗樞 一首

宗樞字子西富平人嘉靖癸未進士除諸城知縣徵拜監察御史出為河南僉事歷僉都御史

撫河南

度居庸關

峻壁含雲迴飛湍接澗迴虛聞三峽險疑是五丁開荒

樹分天宇驚沙暗戍臺祇慚持節度豈是棄繻來

劉隅一首

隅字叔正東阿人嘉靖癸未進士授福建道御史出為四川按察僉事坐謫稍遷永平知府升河南副使進按察使以右僉都御史巡撫保定終右副都御史有範東集

朱中立云範東意氣安閒辭旨沈快有杜陵遺意

過宿州

憶昔乘軺過霜飛楚甸清十年頻去國此日重含情浦

樹浮烟遠河流入海平山川望不極春草徧王程

一作伴孤征

李舜臣 二首

舜臣字懋欽一字夢虞樂安人嘉靖癸未會試

明詩綜卷三十九

十一

第一由戶部主事改吏部歷考功員外郎出為

江西提學僉事改南國子司業轉尚寶卿久之

名為太僕卿有愚谷集

孔汝錫云愚今詩優柔涵泳粹然出於正懋欽伯華

才名相頡頏竝由吏部左遷竝以京堂罷免皆為權貴人譴詆伯華綴酒度曲頹然自放懋卿壹意經術兩人學業不同而志趣所合三齊之士屈指先輩必稱二李焉

詩話李獻吉有九子詩李伯華仿之亦作九子詩以懋欽為首次以劉子素又次羅達夫餘則呂山甫熊叔仁唐應德趙景仁王道思潘子抑也子抑名高太原人王恭襄瓊女婿中嘉靖壬辰進士以翰林編修建言罷官伯華詩所云貴人懷私憤假公得一逞也又詩云潘君氣最豪權貴等鴻毛身廢談邊務家貧賣寶刀又云有書過千卷有田不一頃亦一負奇之士所著春谷集不傳李伯華輯明舊僅錄其一詩而已近見晉人編仕國人文竟不及其姓氏惜夫

初度友人過飲

乍喜高軒過還驚短髻催相看俱老大相慰是歸來濁

酒家能釀黃花手自裁今宵踏明月莫惜醉中回

徐錦衣西園

暖日紅芳樹晴烟碧小溪春風二三月定有好禽啼

陸銓五首

銓字選之鄞縣人嘉靖癸未進士除刑部主事

諫大禮廷杖遷兵部員外轉禮部郎中為張孚

敬所忌出為福建按察副使歷廣西按察使廣

東布政使有石谿集

詩話石谿論詩專以性情為主嘗曰宋人不能為唐唐人不能為漢魏時為之也其偶似者宋之似唐唐之似漢魏爾故諸體不沿時習五言如鳥白雲中樹山青雨後峰亂帆爭入浦羸馬怯過橋越竹成游輪吳鸞吐釣絲七言如山田雨足秋仍熱石室風高夏亦寒絕壁有松人不到深林無主鳥相忘沙頭水急潮初落山腹烟多雨未收野樹巢空鷺鶴去淺沙船動覺潮來輕便度嶺雙肩轆小巧穿橋獨櫓舟一別動經

明詩綜卷三十九

十二

千里關百年消得幾回忙皆非陳口也至若獄中次李舉之韻云聖怒不妨為孝子狂言豈敢託忠臣庶幾哉忠厚之遺矣

民謠

毀我十家廬構爾一郵亭奪我十家產築爾一佳城官
長尚為役我曲何時直本是太平民今願逐逋客

撥悶

修塗密春雨新水浮澆田灘聲起林杪浦色迷遠天湖
游違水性力挽苦不前歸情逐飛鳥度日長如年前村
靄雲樹望久生夕烟來船翼雙櫓疾若矢發弦勞逸迴
倍屣遲速殊相懸事以乘機易力因失勢指引觸悟至
理何獨舟行然

湘湖與陳見吾同遊

陳侯慷慨作賦才置酒攜我湘湖隈湘湖去縣十二里
津吏伐鼓厨船開須臾山曠湖風發船頭噴浪聲如雷
酒酣日落鳧鷖亂振衣倚櫂登荒臺人言夫差昔困越
直待烏喙行成迴至今山脚號排馬天風颯颯吹枯荻
十年轉盼似昨日敗軍勝將同灰埃陳侯陳侯歸去來
登舟長嘯且銜杯眼前功名亦吳越吳越于我何有哉
再和宣明館陽明先生韻

五色晴江雨後痕亂峰雲氣月華渾渾渾陸萬里還通驛
盛世深山亦有村興至欲穿雙屐去愁來只對一燈昏
夜郎詩思知多少恐有當年遷客魂

清明

明詩錄卷十九

十三

清明日薄晝陰陰籬外新秧短似鍼縛草象人田畔立
借他風力逐飛禽

顧夢圭

五首

夢圭字武祥崑山人嘉靖癸未進士累官江西
右布政使有疢贅集

詩話武祥清約自居有同寒素當參議與潘賦詩云夏月行部至雷州
思製一葛且復休冬月行部至廉州思製一裘且復休故衣雖穿尚可
補秋毫擾民亦苦胡威之清何以過此呂仲木
擷梅花贈之曰武祥如此花矣聞者以為美諱

擬古

離離雲中鴈八月徂南方念彼北風來怛焉懷稻梁九
月氣已淒十月繁冰霜生成一作來毛羽單高飛不成行君

門有鐘鼓聽之徒自傷

潮縣行

入城半里無人語枯木寒鴉幾茅宇蕭蕭酒肆誰當壚
武清西來斷行旅縣令老羸猶出迎頭上烏紗半塵土
問之不荅攢雙眉但訴公私苦復苦雨雹飛蝗兩傷稼
春來况遭連月雨縣城之西多草場中官放馬來旁午
中官占田動阡陌不出官租地無主縣中里甲死誅求
請看荒墳遍村塢

珠池歎

并序

廉州平江青鸞楊梅池雷州樂民池產珠地也
先朝率十五六年或十年一採始得美珠上供
邇者三年再採珠已竭矣所得皆碎小藩臬有

明詩綜卷三九

十四

司竝受詰責不知此物生息甚難取之太頻安
得圓美每採費舟筏兵夫以萬計頑悍之民因
緣為盜今雷廉凋敝已極採取不止將有他虞
余承乏攝此事儻議復採當疏聞聖明必不以
無益害有益也

漢家嬪嬙無麗飾南海逍遙養泉客昭陽新寵鬪新妝
照乘之珠苦難得孟嘗美政襲黃班今人反怨珠來還
蠶書三年兩頒降驪龍赤蚌皆愁顏往時中官涖合浦
巧徵橫索如豺虎中官去後蠶書來誰訴邊陲無限苦
野老村童不著禪四山戎馬夜紛紛竹房無瓦餅無粟
猶折山花迓使君

感事

畫戟門前車馬稀
東市灑血沾朝衣
中台轉盼無光輝
華亭唳鶴聲哽咽
月中空喚行人歸

謁康陵

早霧籠山暝新松
匝殿稠三邊餘武烈
八駿想神遊花萼
皇情遠衣冠歲事修
傷心大官酒猶得獻千秋

高叔嗣 二十二首

叔嗣字子業祥符人嘉靖癸未進士授工部主

事改吏部歷員外郎中出為山西參政終湖廣

按察使有蘇門集

廖鳴吾云詩人之有事於楚者若邊廷賈之沖濤徐昌穀之起逸李川父之脫灑高云子業謝絕品流因心師古每有屬綴竹與而就章復罷閣不為淺易

明詩綜卷三十九

往往直舉胸臆到抉浮華存之隱冥獨妙間曠有蘇州之沖濤兼曲江

之沉雅體王孟之清適具高岑之悲壯詞質而腴興近而澆洋洋乎斯

可謂之詩也已 蔡子木云蘇門詩在我朝當屬第一 李伯華云何

李雖是大家去唐却遠蘇門雖云小就去唐却近蔡白石王巖潭以為

國朝第一其言雖過要之不可盡非也 王元美云高子業如高山鼓

琴沉思忽往木葉盡脫石氣自青又如衛司馬言愁懣悻悻篇令人心

折又云高子業空谷之幽蘭崇庭之鼎彝也又云刻羽離葉舍陳而新

吾推子業然不能諱其促 王敬美云詩有必不能廢者雖眾體未備

而獨擅一家之長如孟浩然洮洮易盡止以五言雋永千載並稱王孟

我明其徐昌穀高子業乎二君詩有不同而皆巧於用短徐似高韻勝

有蟬蛻軒輿之風高以深情勝有秋閨愁婦之態爽千百年李何有時

廢興二君必無絕響 吳明卿云蘇吉仲黠遊策上駟而馳中原子業
雖駭駕第緩轡後至耳 劉勿叔云蘇門思悟入玄詩在晉魏初唐之
間 顧玄言云參政詩若磊磊奇松凌風迴秀響振巖谷 胡元瑞云
高子業視李何後出而其五言之工不佞作今人一字在唐不減張曲
江章蘇州矣又云弘正五言律自李何外如薛君采之瀟灑溫醇高子
業之精深華妙置之唐人毫無愧色然二君俱不能為七律萬蓋氣局
所限薛由工力未加 黃清甫云高詩鍊有意無不假飾吐言成氣
誦之若落落致致而中自豐腴 馬仲良云辛字有言資清以化乘氣
以霏過來能解即潔成輝四諾可回一子業也 范介孺云子業多漸
進之致惜未竟其詣 子業少受知於李獻吉弱冠登朝薛
君采一見歎服詩以清新婉約為宗未嘗登壇樹幟與獻吉分別淵澠

困已深懲洗拆之病而力殫其膏肓矣其意微見於讀書園憂序中約之為疏通證明暢言其脈絡世之君子墮落北地雲霧中憤不知返亦可以爽然而悟矣 陳卧子云子業沉婉雋永多獨至之言讀之如食諫果味不驟得又云子業詞存清曠意成凄楚 李舒菴云子業如疎林清磬聽者振衣

詩話嘉靖初後生英俊稍稍厭棄李何子業以吏部郎謝病歸時獻吉留開封辭必摹古子業自序讀書園臺謂本非所長而強力摹之度必取調於眾其立意固殊讀其詩如食衮家黎止渴雖爽而不伐性如以水精盪進酒雖薄亦能醉人李守麓六十子詩於子業有云蘇門能入室何李尺升堂其傾倒也如此

古詞

荆和當路泣良璞為誰明茫然大楚國白日失兼城燕石十襲重魚目一笑輕古來共感歎今子益吞聲

再調考功作

引疾三上書微願不克諧徒官復在茲心迹一何乖軒

明詩綜卷三九

十六

曩日待旦閭闔凌雲排入屬金馬籍出與羣龍偕積賤詎有基履榮誠無階但惜平生節逾久浸沉埋既妨來者塗誰明去矣懷鳥迷思故林水落存舊涯唯當尋素

業歸卧守荆柴

益藩濟南云委蛇非俗客能道

秋情

涼風吹庭樹蕭然已暮秋歲運空云往客行胡久留良時每易失微志果難求餘光儻可積但空成山丘

病起偶題

空齋晨起坐歡遊罷不適微雨東方來陰靄倏終夕久卧不知春茫然怨行役故園芳草色惆悵今如積

雨中簡子仁員外

積雨曠朝暮層城苦沉沉端居誰與言抱此懷人心一
為軒冕拘遂便名跡侵長媿玄豹姿隱霧南山岑君通
微妙理佇想開塵襟

簡袁永之獄中

本同江海人俱為軒冕誤子抱無妄憂余有多言懼昔
來始青陽今此已白露豈乏速進階苟得非余慕罪至
欲何言直以愚慵故衆女競中閨獨退反成怒追誦古
時人蒙冤誰能愬皇心肯照微與子齊歸路

元日同谷子延賦

雄都盛賓客車馬爭馳騫芳辰啓初年宴飲多所務不
知灌園身何為迷方誤郊館抗空壑山扉啓峻路良朋

明詩綜卷三十九

十七

平生歡就我今朝步城因竝舍登徑為穿林度微陰原
上明片日雲中霧青霞照深池白雪停幽樹共貪歲欲
新不厭日旋莫農田方在茲君豈數能顧

益王漢南云
造語精綺

敘懷

生長夷門郭往來莘野路家貧無良謀躬耕有遠慕始
窮伯王略遂覽生民故曰余本空疎當年恣高步慶彼
鳴鶴期忝此飛龍顧亦知敝帚材早享千金誤日月不
我留撫心慙往素

益王漢南云
辭意俱古

移樹道上

春園就蕪穢雜樹生蒙密不知雨露功長養何多術婆
娑使人憐斬伐終余恤乘時聊徙植予以託吾室交生

兩相當列映直如一轉令門巷新遂放雞豚出修原
上風團團村邊日紛吾本蹇劣兼爾抱憂疾敢學成都
桑而謀荊州橘願及垂陰成初志儻此畢

歸次南關驛

祇役忽于今徑塗宛如昨秣馬息荒林振車越重壑歲
暮滯還期客心悵不樂曰予本沉冥遭時乃獲落化海
異微禽蟠泥尺護方因遷斥餘始遂歸來諾逝將入
雲峰滅迹從所託

送別德兆武選放歸

燕郊秋已甚木葉亂紛紛失路還爲客他鄉獨送君罷
歸時共惜棄置古常聞莫作空山卧令人望白雲

明詩綜卷五十九

十六

春夕同李考功道舊

下馬春庭夕明燈夜雨深人多新歲感日有故園心磨
滅名題柱淒涼賦賣金十年同省舊誰念各如今

賦得嶧山碑送李東升明府

秦皇千載後嶧嶺尚遺碑斷石青山路孤城滄海濱蕭
條餘霸氣磨滅想雄辭君到鳴琴暇應多弔古思

得張子家書

晚日照餘晴荒亭暗復明歸雲度深樹飛雨過高城蹇
劣慚當代棲遲笑此生空持一書札長歎故人情

雨後有懷子延

驟雨新秋晚微晴墟落間悠然抱藜杖率爾倚柴關空

壑纔容水流雲故滿山遙知城市裏應羨此身閒
西園再酬谷子延

茅屋還相見冬郊那可聞荒城連凍浦落照與寒雲遠
樹行時倚歸塗到處分留君終日語猶自日思君

武城漕河逢張使君憶考功舊寮

岸坼留餘照舟行稱晚風歸心千里倦行役一時同置
酒滄波上停橈綠樹中思君如河水何日不朝東

送別蕭司勳

柴門夜語罷惆悵出前林曉日孤村映秋風落木深別
來生白髮歸去換愁心還復茅檐下朝朝烏雀吟

井陘道中

明詩綜卷三九

十九

曉霜塗屋重寒日出林微改轍辭邊徼登車望帝畿深
山藏驛道巨壑斷村扉欲問前征侶迷津何處歸

晚趨忻口

雲峰聊極目立馬獨愁心豈直關山遠其如雨雪深笳
聲先入夜邊氣迴生陰疇昔長征意蹉跎力不禁

沁州張源鋪

去國三年意還家此日心天寒客路永日暮衆山深沙
塞人偏老風霜馬不禁如何更萬里投跡楚江陰

送管平田先生頒封秦府歸省

五等周分國三王漢世家日聞敦帝族時見遣皇華剪
土仍鶉首疏邦自犬牙秦關通使節灞水渡征車過邑

恩難屢登堂禮更嘉何如北山客行役動長嗟

葉份一首

份字原學婺源人嘉靖癸未進士歷官山東提

學副使有蓮峰集

汪禹又云原學詩評安中有逸思

夜泊壽春驛

萬里愁行客孤槎自使星人烟昏晚渡漁火亂風汀桐柏長淮水松杉古驛亭誰家吹短笛淒斷不堪聽

周易一首

易字時伯蕪湖人嘉靖癸未進士歷官提學副

使有赤山集

春眺兼簡楊石巖

明詩綜卷三十九

二十

野曠春猶淺山明雪正殘楚雲棲樹濕淮雨過江寒酒醒頻看劍愁深獨倚闌客從天上至猶道未回鑾

陸冕二首

冕字宗周崑山人嘉靖癸未進士除禮部主事

歷官陝西按察副使

周子籲云宗周律已廉介詩雅健清古

西夏曲二首

秦關百二古稱雄寧夏山河襟帶同天險皇圖元自固從前失策自和戎

校獵河西日未曛擬金伐鼓動風雲還軍飲馬長城窟野馬黃羊各百羣

韋商臣一首

商臣字希尹長與人嘉靖癸未進士除大理評事疏救議禮諸臣廷杖謫靖江縣丞累遷四川參議有南苔集

詩話南苔世爲廉吏時以比胡威父子歸田後與蔣恭瑤劉清惠麟孫僉事潘察同知祀唐主事樞陳參政良謨顧尚書應祥吳太僕龍朱太守懷幹張通政案施知州佑李知縣丙吳副使麟參政龍一十五人結峴山逸老之社錐饋饜不給而春秋必赴能不改其樂云父厚字原載中成化丁未進士仕至黃州同知有翠屏詩集不傳

雪峰者名雲鳳烏程人官刑部主事蓋續入逸老社者

秋社和朱雪峰韻

近圃青千疊遙山碧四圍舟從天際至鷗向雨中飛殘暑蒲葵扇新涼薜荔衣更憐天欲霽返照弄餘暉

鄮紳一首

紳字佩之丹徒人嘉靖癸未進士有中憲集

明詩綜卷三十九

正

寄汪水部淵之

憶昔河梁別春華委芳樹流光何迅速朱夏忽云暮園林莎雞鳴檐隙疎螢度向晚輟簿書中庭浥微露搔首重踟躕無亦以君故使者舒城來多君眷南顧遺我以先春開我以尺素殷勤報秋期江皋諧風晤我欲往問之蒼波渺烟霧悵望寂無言鳴琴寫情愔

陳袞一首

袞字邦進寧德人嘉靖癸未進士有騶山集

燈花

倦矣經年客歸與萬里家遠書期不至空自卜燈花

馮世雍一首

世雍字子和江夏人嘉靖癸未進士歷官徽州知府有三石臺

赴滇南煙莊道中

碧嶂千峰合黃茅一徑開馬從危石度人自亂山來
暝樹青溪濕寒雲白鴈哀漫停湘浦駕遙望漢江臺

劉汝松一首

汝松字貞吾歷城人嘉靖癸未進士歷官知府

送李進士之京

春風吹岐路朝日照高城青陽既駘蕩林薄亦芬榮
之子去安適迢迢入承明皇居一何麗雙闕凌太清
白馬振長綏丹陛羅羣英匪才慚寡用高步羨芳聲
盛年志

明詩綜卷三十九

三

四海豈徒夸令名

朱泚一首

泚字必東莆田人嘉靖癸未進士授湖廣道御史
建言廷杖放歸有天馬山房遺藁林雨可云捐巖下筆清健一種

疎宕之氣足以移人性情

詩話興國太后將至禮部議由東安門入覆議由大明左門入張璠曰
雖天子必有母也焉可由旁門入乎於是從入明中門入在永陵意中
惟知有與國太后而已嘉靖三年值慈壽皇太后誕辰有旨命婦免朝
賀損巖上言興國太后朝賀既已舉行慈壽誕辰乃開報罷事體相類
禮數頓殊臣切念武宗上賓蒼生無主當時為孝廟後者惟慈壽所欲
立爾手提神器親授吾皇孝宗在天之靈所以望陛下之事母后者何
如天下臣民之心所以望陛下之事母后者何如今乃旬月之間一舉
一罷彼此相較形迹大分何以慰孝宗在天之靈副天下臣民之望疏
入永陵震怒匪蔣文定力救不能生矣同時疏諍者馬侍御明
衡也三公可謂格君心之非者損巖詩無俗韻誦之想見其人

歲暮山中

種梅山逕邊下有牛羊道童豎恣攀翻糾纏易枯槁殷
勤謝鄰翁愛此寒花好放牧須前山前山足豐草

飲黃石友人黃正可晚青亭和師山題壁

漫影落名山歲月累云周如何咫尺地茲亭今始游小
草冒庭戶寒花明牆陬撼撼高樹聲蕭然似林丘西風
天欲暮雨意鳴靈鳩主人有好懷開尊更獻酬相與各
賦詩談笑銷百憂愛此同游人俱維靜者流盍簪誠足
樂萬事吾何求

贈豐山陳子廷

我愛豐山無俗韻時時來往小齋中野情自比天隨子
詩句多師陸放翁環堵蕭然無一物才名早已動諸公
長吟盡日不知厭興入冥冥海上峰

明詩錄卷三十九

三三

草堂前芙蓉正吐口占

清霜一夜老蒹葭牆角芙蓉漸著花猶憶昔年江上看
西風吹夢客思家

廬裏一首

襄字師陳吳縣人嘉靖癸未進士官職方郎中
有五塢山房廩

一谿

一道縈村曲何年有此谿微風生細浪過雨失平堤漁
澗舟相續仙源路不迷幽棲我亦戀夢繞石湖西

狄冲七首

沖字仲虛溧陽人嘉靖癸未進士歷官南京工

部郎中有春谿集

陳山父云春谿思致雋爽體裁各執其皮音調亦適

詩話春谿歷仕不達晚乃為郎故其詩云官銜四轉轉萬里垂老始博尚書郎其詩清澈頽揚夢山詩全篇公作者少

臨淮思

淮之水兮清且瀏思若人兮情夷猶
逝予舟兮夕逝願從之兮靡由
淮之水兮清且駛思若人兮不能已
抱多病兮焉投隔淮湍兮千里淮之
水兮洋洋曷我情兮難忘永悠悠兮
冬夕輾轉反側兮未央悲莫悲兮生
別離我思君兮君不知臨北風兮
隕涕屬孤雲兮南馳

東寺竹

林鳥已春聲林竹尚寒影豈無竹外
花愛此晚色靜塞

明詩綜卷三十九

三五

蘿拂苔石透手弄清冷飛鼠迭相竄
驚鱗時一逞慙非海上翁動物見猶
警

自銅仁至八盤

峇堯度修坂窈窕穿林木野燒楓半
枯陰厓草全綠獸鋌或衝人鳥嚶如
度曲羣猿不畏人聳臂下江浴人言
此道險欣籍吾方足肩輿吟且眺一
一得所欲月出江上峰夜上峰頭宿
何似長安塗飛埃眯人目

德州道中

遠道嗟難到舟行觸凍流山城寒擊
柝客夢夜封侯岸鳥棲還警村猶吠
不休篙人真楚產助力發蠻謳

谿上

原樹明殘日谿風埽斷雲衆山圍野竝一水向田分魚
戲推萍轉樵歌隔嶼聞隱居逢此地無事歎離羣

冒雨入白鹿

樹杪雨來風有聲肩輿且竝樹邊行路傍鳥去葛花落
水面魚游蓮葉生山接流雲多變態澗添行潦亦爭鳴
此來老子興不淺巾折衣霑踏草坪

喜晴

東郊奄奄雨意足南郭浮浮雲脚收鷓鴣刷翎水北岸
蜘蛛添網門西樓虹垂古澗青紅氣日射蒼波紺碧流
曾苦妨農何事喜桔槔閑卧夕陽洲

柯維騏二首

明詩綜卷三十九

三十五

維騏字奇純莆田人嘉靖癸未進士官南京戶

部主事有藝餘集

謝山子云先生開戶九十年放意著述自成一家詩以積學勝人不易託

詩話宋遼金元四史惟金史差善其餘潦草率與金史置石室之所宜儲希喬撰新編會宋遼金三史爲一以宋爲正統遼金附焉升瀛國公益衛二王于帝紀以存統正亡國諸叛臣之名以明倫列道學於循吏之前以尊儒歷二十載而成書可謂有志之士矣其詩文曰藝餘者編宋史之暇作也先是揭陽王昂撰宋史補台州王洙撰宋元史質皆略馮不詳至柯氏而體稍備其後臨川湯鑑祖義仍祥符王維檢損仲吉水劉同升孝則咸有事改修湯劉憂尚未定損仲宋史記沉於汴水余從吳興潘氏鈔得僅存然三史取材紀傳則曾鞏王稱杜大圭彭百川葉隆禮宇文懋昭編年則李壽揚仲良陳均陳經禮樂則聶崇義歐陽脩司馬光陳祥道陳鳴陸佃鄭居中張暄職官則孫逢吉陳騭徐自明真地則樂史王存歐陽忞稅安禮王象之祝穆潘自牧著錄則王堯臣晁公武鄭樵趙希弁陳振孫類事則徐夢莘孟元老李心傳華紹翁呂中馬端臨趙善劉祁述文則趙汝愚呂祖謙諸書具在以于淺學亦曾過讀其他宋金元人文集約存六百家郡縣山水志以及野史說部又不下五百家及今改修文獻尚猶可徵于嘗欲據諸書考其是非同異後定一書惜乎老矣未能也

別黃道卿

繁霜肅野草迴颺振城樹胡爲子遠行但茲歲云暮我
屨不出門爲子臨岐路子驂亦暫停豈不以我故我如
蒿下烏子如雲中鷺動息各有宜安得長會晤會晤不
須期努力慰所慕

宏路驛

雨歇江天淨山迴驛路遲客愁新歲減風物故鄉宜花
事餘梅蕊樵歌綴竹枝祇慙司馬病深負好文時

豐坊一首

坊字存禮鄞縣人嘉靖癸未進士除禮部主事

以吏議免官家居坐法竄吳中改名道生字人

翁有南禺集

張惟靜云存禮實身靈奇才彰卓論論事則談鋒
橫出摘詞則藻撰立威士林擬之鳳毛藝苑方之

明詩錄卷三十九

二十六

逸野然而性不諧俗行或鑿中月語合意輒出肺肝相啗睡臥蒙頭即
援戈矛相刺亦或喫嫖母爲婢婿斥蘭荃器資羨物若無人罕所顧忌
知者以爲激詭不知者以爲窮鬼也由是雖黃閭作轉相詆謀出有爭
席之夫居無式閭之欲鶉衣纒履濕突不炊椹奴絕粒而逋亡賔客過
門而不入頰頰窮獨以終其身不亦悲夫 王元美

云豐道生如沙苑馬駑駘相半恣情馳騁中多敗跡

詩話南禺釋褐後從其父學士熙諫大禮受杖關下方謂學士有子
矣連父卒成所乃言非父本意忽走京師上書請追崇與獻王宜稱宗

入大廟永陵用其言而不錄其人也歸益狂誕恃才傲物作偽欺人撰
子貢詩傳中略詩說魯詩世學古書世學石經大學富易經文別裁異

議一時若泰和郭氏京山李氏澄海唐氏多惑之而不知本邪說也芝
園一序可當督罪微而憐才美意是篇其中此等人第作犬豕相遇可
耳詩不必存錄而論列

之期以祛後人之惑也

十月十一日作

去國已逾紀玄節及茲臨修軌忽電逝壯懷終陸沉淒
淒寒露結憾憾悲風吟芳草委遙澤驚鳥翔空林朝飛
尚蠲羽夕寐惟蟲音馳情有斷簡卒歲無重衾餘悰奚

足道雲海勞予心

明詩綜卷三十九



明詩綜卷三十九

三十七

明詩綜卷三十九

明詩綜卷三十九

明詩綜卷四十

小長蘆 朱彝尊 錄

西湖 馮念祖 緝評

龔用卿 二首

用卿字鳴治懷安人嘉靖丙戌賜進士第一除

修撰歷諭德終南京國子監祭酒有雲岡集

武尼第五曲謁紫陽精舍

九曲清溪流此地適居半上有丹屏圍下有綠波渙嘉
木雜異草神工留奇觀山川洩幽靈晦明定昏旦茂圃
小可耕淺渠清可灌我來謁紫陽維舟楊柳岸懷賢式
居廬訪舊窮考按釣游本夙心歷覽騁披翫元理固予
會奈此浮名絆行當息塵網永作青山伴

明詩綜卷四

冬日飲九山負外怡薰樓

開軒對南山蒼翠日在眼山色佳有餘引領意無限煙
霏起暮容浮雲自舒卷時見登山人歷歷諒非遠層樓
具盤餐主人興不淺清歌遶画梁冥心栖絕巘玄理儻
予會幽懷從此遣

蘇 祐 三首

祐字允吉一字舜澤濮州人嘉靖丙戌進士除

吳縣知縣再知東鹿徵授監察御史出為江西

提學副使遷山西叅政陞大理少卿以僉都御

史撫保定以副都御史撫山西入為刑部侍郎

尋以兵部左侍郎總督宣大進兵部尚書削籍

尋復官有穀原詩集

朱中立云穀原所作格不高而氣逸調不在而情真穆敬甫云公意與甚高

得句不苦自是盛唐遺韻于無垢云蘇公詩道麗典雅卓然名家陳歐子云司馬詩沉雄雅練處寒之篇不愧柳絮七律格律精嚴聲調

清亮咄咄
逸羣而上

聞警

榆塞傳刁斗經年未罷兵
遂令青海箭復度白登城
四野空多壘三軍孰請纓
轅門有頗牧萬一早留情

予歸入倒馬關作

南風吹雨傍關來
關上千峰画角哀
老去尚憐金甲在
生還重見玉門開
鷓鴣絃謾引思歸調
虎節空慚上將才
聖主恩深何以報
車前部曲重徘徊

明詩綜卷四

二

張整一首

整字濟甫南昌人嘉靖丙戌進士改庶吉士累官南京兵部尚書有遷鶯館集

訪趙元戎築塞

走馬黃龍府觀兵
細柳營連山邊
雨合平野陣雲橫
松漠懸秦壁燕支動
漢旌猶憐趙充國
辛苦築金城

陸垵五首

垵字秀卿嘉善人嘉靖丙戌進士累官右僉都

御史巡撫河南有篋山集

李元寶云篋齋詩文發乎中情根之理道無高論無詭詞淡然

如菽粟之味可嗜而不可厭陸子餘云篋山言志為詩固非真響處筆腴而不詡當阻阨而不挫欲逸豫而不淫宣伊鬱而不激

靜志居詩話嘉靖初吾鄉詩人漸山而外有晉山篋山漸山集選家恒

多采錄兩公詩或見遺響諸圖繪漸山丹青兩公水墨鑿賞亦好有不

同非画品
有高下爾

感述

行人牽牛去乃謂邑之人無妄固有疾勿藥戒諄諄所以君子徒兢兢慎厥身明期無人非幽欲無鬼嗔不虞譽方恥求全毀非真浮雲翳白日白日豈終淪

築隄謠

彼田高我田低高田積土河成蹊低田年年催築堤築堤復取田中泥去年大水百穀傷高田得熟低田荒今年土龍雨莫禱高鄉之田為茂鄉

宿三义口

雲樹蒼茫合鄉關道路賒近船呼伴侶隔岸有人家艸

明詩餘卷四

三

短煙橫野江寒月侵沙家人應念我今夜宿三义

郡解似野齋

青林依郡宅渾似野人居幸此無公事閒來展道書蟬聲來遠樹艸色上前除莫笑耽玄寂功名意本疎

弋陽道中

石子船頭磊磊溪聲枕上潺潺人行上瀨下瀨夢隔千山萬山

張子立一首

子立字原禮黃縣人嘉靖丙戌進士除行人擢湖廣道御史歷官右僉都御史巡撫延綏謫戍

寧武關

龍沙北望接二關十萬旌干虎豹閑隘地風煙臨晉水
連營烽火動燕山行邊將帥勞推轂勝算朝廷重轉圜
黠寇早聞驅馬去將軍新自射熊還

呂希周 二首

希周字師旦崇德人嘉靖丙戌進士歷官通政
司使有東匯詩集

詩話東匯於詩亦沾沾自喜其集不甚傳由其子請論定於陸武惠也
同里曹秋嶽侍郎博徵文獻集明三百年名公卿手書墨蹟裝潢成冊
多至七百家東匯雜詩在焉比集中所載者較勝巫錄之侍郎
歿後古林書畫散作雲煙曩之過眼者不復再覩矣可惜哉

雜詩

人生如萍藻汎汎浮江河東西逐流風南北信逝波波
逝一以散風迴復來過暖翠暖鳧鴨遙青逼蒲荷託身

明詩綜卷四十

四

一水中漂轉諒靡他深谷忽爲陵天運其如何枯瘁同
百草無復黃白華植根本無定浮榮安足多

萍鄉次趙都諫漸齋

晚穗萍鄉館繁陰度短墻烏栖人亦倦山僻雨初荒新
月憐游子涼雲夢艸堂好風三百里吹我上瀟湘

華察 十一首

察字子潛無錫人嘉靖丙戌進士選庶吉士改

戶部主事歷兵部郎中再改翰林修撰遷侍讀

學士掌南院有巖居臺

黃才伯云鴻山詩追蹤陶杜卓然
大雅王儼初云學士詩竟意冲

淡調出天成語皆心得 王道思云子潛詩灑然自立於塵垢情累之
表意象之超越音韻之凄清不受垢氛而獨契冥清 王元美云華子
潛如磐石疎林清溪短棹雖在秋冬之際不廢楓橘 龍鳴治云韓子
云和平之音淡薄愁思之音窮渺鴻山操和平之音而得空澗之趣可

謂兼才 宗子相云學士詩雅淡有靖節風 蔣仲舒云學士刊洗淨
塵獨秀本色誠陶韋之妙境也惜才具稍乏短於七言 袁魯望云先
生詩根乎性其妙乎言理冲粹清英不可境界 李本寧云學士五言
有陶韋之致 鄭平子云鴻山幽情秀句不減王孟 陳馭子云于潛
清儉似茅茨下人 李舒章云
子潛如坐禪空山微聞鐘磬
詩話學士豐於賞織織務畫夜持
箒不知吟咏性情何由超詣乃爾

游善卷碧仙巖

落日下空門齋鐘出林莽偶茲叩精廬再宿翠微上舊
游不知處但見松杉長巖虛露氣清坐覺神魂爽月白
山窗高夜靜風泉響遂令寤寐中超然脫塵網雲壑永
棲遲願言稅歸鞅

夏日山中述懷

晚來慕恬曠適意在罷官取涼喬林下晝日恒不冠白
雲滿前峰曳杖行獨看有時遇鄰叟烹茶共邀歡山田
固云薄歲入亦自寬達人貴知足吾生永相安

僅初移家湖上有作和韻贈之

城邑豈不美生事在田廬移家就所安正當長夏初壘
上刈舊麥園中灌新蔬寧卹四體勤將期方寸舒入門
謝鄰里幸託仁者居湖光近林牖水月澹清虛因適魚
鳥性遂於塵跡疎開軒聊種竹閉戶兼著書豈羨衣食
饒但喜歲月儲達人能固窮朝夕恒晏如願言日相過
多聞時起予

五月望夜與諸君山中再酌和僅初韻

仲夏苦晝永薰風起將夕圓景海上來照此山中客坐

令微暑消兼使衆累釋興至時命觴露下復移席因耽
水竹居遂同魚鳥跡盤遊豈忘返翫物聊取適臺空人
影疎夜靜潭氣白參差樹杪峰歷歷辨咫尺超然悟真
境萬物一虛寂

晚至湖上和僅初韻

山中讀書罷來憩澄湖濱綠陰暗溪路草堂靜無塵平
生滄洲意煙波夢垂綸石梁度落景花渚藏餘春聞情
狎魚鳥悠然適吾真雲天澹晴霽空水明衣巾未遂乘
桴願徒懷江海人

宿玉陽山房和僅初韻

返照明溪梁深松晦夕景岩臥符夙期雲陰石牀冷因
投物外心遂入清虛境天寒木葉疎月落山房靜然燈
獨不寐秋宵一何永明發從此辭白雲鎖蒼嶺

秋日觀稼樓曉望

日出天氣清山中悵幽獨登高一眺望風物淒以肅流
水映郊扉炊煙散林屋秋原一何曠薄陰翳叢竹時聞
鳥雀喧因念禾黍熟悠悠沮溺心千載猶在目

秋晚過英姪園居

野曠秋氣高丹楓暎茆屋農家各欣欣門外山田熟相
邀具雞黍悠然入深竹風物日蕭疎但見籬畔菊賞心
愜所期勝事良已足落景照湖光孤亭暝巖麓

寄蔣子雲

我家大江南君家大江北平生弄篇章白首不相識曩
聞大雅音因窺作者闕一從罷官歸壟上親稼穡口誦
南華經意象欣自得有時江月來照見天地色神交入
夢寐道遠安可即雁去爲寄書殷勤問眠食

秋日施子羽姚山人見過

掃徑秋色佳衡門遲來客山厨薦園蔬戀賞淹日夕荒
臺陰叢桂徙倚對巖壁夜靜人意閒潭空月華白宿
愜所期去住欣自適養生慕彭聃學道窺莊易願言保
微尚歲晚成三益

僅初以詩見寄次韻答贈

地僻畏風雨入春長掩扉一從還山後又見梨花飛世

明詩綜卷四十

七

事多貝錦故人猶布衣瑤琴勿輕奏山水知音稀

屠應竣 七首

應竣字文升平湖人嘉靖丙戌進士選庶吉士

改刑部主事調禮部歷員外郎中仍改翰林修

撰陞侍讀進春坊右諭德有蘭暉堂集 俞汝成云

爽俊偉 穆敬甫云屠詩深重不浮得唐人應制體 陳臥子云屠公
典麗流暢亦足名家 李紆章云文升風姿開麗如玉樹風前是戶庭

住

詩話論德取材六代具體初唐爛若
春葩將以秋實是衆作之有滋味者

贈袁子永之戍湖州

弱齡事篇翰與子諧所歡同芳握蘭茝偶德璵與璠彈
冠入鼎門振衣陟華軒皇心苟予顧白首諒無愆風波

起中道行路一何難子行戍故越子留滯幽燕孤雲易
流邁獨波不成瀾艱危各異勢繾綣何由宣贈子別鵠
操報我以孤鸞

贈內

良時飭徒御予當遠行游上堂戀慈親入室語好逑王
臣奉時役不得顧晨羞攜手再三歎出門悵悠悠室中
四五雛眷眷何能留遠期在終歲忽往增離憂離憂安
可任迢遙隔辰參蓂蓂雙鯉魚一浮而一沉楚橘不北
徙越禽有南音贈子明明鏡可以鑿我心

馬上贈武舉生金寶

有序

金寶以歲庚辰舉武試時學士石公瑤為考官

明詩綜卷四

八

今廿年餘矣猶以敝衣走風塵中兵憲陳君令

護子行予憫之為賦長句

翩翩飛騎突且雄橐垂七尺高麗弓向予長跪馳素封
來自天津陳長公感君來絨重君使汝才且雄者誰子
云是熊峰門下士緋衣已隨塵土緇壯心尚逐風雲起
長公好士輕黃金求才不憚幽與深幕下立談收劇孟
坐中飛檄佇陳琳白髮自知無長物清商猶自有哀音
我聞其言感且歎古來相士輕貧賤驛驢豈少伯樂無
世上紛紛寧足羨曾冰皚皚黃河枯策勳報恩真丈夫
插貂橫玉盈上都封侯之骨汝有無贈汝腰間金僕姑

贈同年謝子儒致仕歸蜀

子真棲谷口潘岳賦閒居長揖辭明主為農返故廬雲
消巴嶺出天入錦江虛莫待場雄老潛夫早著書

趙武庫元實移居賦得堂字

高士便疎曠居臨御苑傍開尊秋月滿列樹夏雲涼水
鏡搖朱戶風琴奏石房登樓新有賦王粲謝升堂

漫興

南風吹晝沙霧黃遠在燕臺思故鄉火雲炎日暑三伏
江檻野亭天一方即愁蠅聲惱饒睡况有客子來相妨
行歌抵暮遲明月柏林露葉鱗鱗光

鏡光閣雨

鏡光閣在帝城邊遙控西山奠北川忽有風雲來絕塞

明詩綜卷四十一

九

坐看雷雨下諸天微茫野色俱堪畫潁沆中流好放船
東下林塘更幽絕江南秋望此依然

王格一首

格字汝化京山人嘉靖丙戌進士選庶吉士出

知永新縣陞刑部主事調戶部歷負外郎中出

為河南僉事會南巡行宮火逮獄削籍久之授

太僕寺少卿有少泉集

顧華玉云少泉取材于
選劾法子唐諸體皆工

詩話少泉矢口信筆不費推敲合作者寡并非洞
庭漁人之比南風自此繼夢澤而代興者鮮矣

燈夜曲

千金一刻此芳春况復天邊月色新曲巷小橋隨意去
明燈何處不留人

陸 粲八道

粲字子餘一字浚明長洲人嘉靖丙戌進士選庶吉士改授工科給事中坐劾張桂謫都勻驛

丞遷永新知縣有貞山橐

顧玄言云給事與屠文升表永之王汝化同時入館並有盛名

亦李唐四傑之流

詩話嘉靖間元老類皆延覽賓客雖貴裕分宜亦然惟張桂專與文士為難言丙戌庶常一筆盡掃貞山又多論劾因躬終身然晚極田庶文酒之樂菽園著述傳誦藝林比之二柄臣孰得孰失邪

擔夫謠

擔夫來擔夫來爾何為者軍當差朝廷養軍為殺賊遣
作擔夫誰愛惜自從少小被編差垂老奔走何曾息祇
今丁壯逃亡盡數十殘兵渾瘦黑可憐風雨霜雪時凍

明詩綜卷四

十

餓龍鍾強驅逼手搏麥屑淘水餐頭面垢膩懸蟻蝨高
山大嶺坡百盤衣破肩穿足無力三步回頭五步愁密
箐深林多虎跡歸來息足未下坡郵亭又報官負過朝
亦官負過暮亦官負過貴州都來手掌地焉用官負如
許多太平不肯恤戰士一旦緩急將奈何噫吁噫一日
緩急將奈何

贈別王直夫 二首

商飈激球牖蟋蟀鳴墻陰志士恒感秋况乃違所欽之
子役王事遠適閩江潯攬衣起追送渺彼川塗深少小
從子遊方軌馳文林時去志願違素髮忽滿簪撫景慨
今昔惻愴情難任願言顧離索惠我瓊瑤音

威鳳天際翔潛虬澤中蟠巖子時閑肆貢公乃彈冠顯
晦豈必同各以性所安子行樹遠績奮身青雲端鄙人
棲蓬藿蹇拙聊自完丈夫志千載飛沉何足歎相期保
貞素歲晚同金蘭

憶家君

白髮人千里朱門月半扉燕山雲去遠澤國雁來稀無
夜不成夢有書空道歸遙憐北風勁尋便寄寒衣

林若樵云先生

七歲時作

寄葛太守子中

憶爾投荒日依依戀翠華亦知行萬里不是為丹砂那
古留銅狄堂深繡土花何須憂瘴癘只合臥煙霞

明詩歸卷四

士

送陳太僕謫教海陽

蠻中千嶂啼猿裏海畔孤城匹馬過却望龍江更南下
月明雙淚聽_尺歌

送人入蜀

樓船振柁浪花生百丈雙牽黛色明夾岸兒童齊笑語
嘉陵江似使君清

送汪僉事之湖南

驄馬長鳴飲碧流銀鞍金絡紫茸鞞一作花銀鑊帶鸛鶴裘行人大別
山頭望雲外雙旌指鄂州

石文睿一首

文睿字文思台州寧海人嘉靖丙戌進士除太

嘗博士有白山集

詩話文思詩未成家然如寒生紅葉兩秋老白蘋
江高塔靜觀塵土界老僧閒數慶典年正是不俗

郊行和韻

雲散峰晴海角樵聲牧唱山根客喚潮來石渡烏翻花
落蓬門

江以達 一首

以達字于順貴溪人嘉靖丙戌進士授刑部主
事歷郎中出為福建僉事轉湖廣提學副使有

午坡集

詩話午坡以北地文出廬陵眉山之上又謂昌黎詩不逮文尚沿
習氣齊堂贈詩云賦窺宋曹堂詩登滿陸堂不免阿其所好矣

夏日偕東沙赴練塘北園之遊

明詩錄卷四十一

十一

佳辰愜行遊以我心所賢來登山上亭共聽風中泉因
坡展瑶席坐石藉芳荃蟬鳴高樹林涼葉隨我前脫巾
謝塵鞅箕踞臻忘年緬彼域外觀息此區中緣

聞入銓 一首

銓字邦正餘姚人嘉靖丙戌進士除寶應知縣
擢山西道御史巡視兩關歷湖廣按察副使有

芷蘭集

詩話邦正著錄陽明之門撰飲射圖解又雕劉昫舊唐書行世
津津好古不易得也句如花落雨餘兩風吹寒食寒情味不淺

登北固山

郭外青山好高峰俯碧霞江聲入尊筭秋色滿汀沙島
嶼金焦並人煙市井賒地偏鷗鷺狎擬宿梵王家

田汝成 五首

汝成字叔禾錢塘人嘉靖丙戌進士授南京刑部主事繇負外轉禮部郎中出為廣東提學僉事左遷滁州知州陞貴州僉事遷廣西左叅議

有豫陽集

顏立言云學憲詩沉鬱豪縱如探珠合浦夜光

詩話叔禾挾黃勉之徧游武林諸山往往吟目亦稱好事惜中興館閣錄都城紀勝武林舊事夢梁錄咸淳臨安志大瀛洞天紀諸書皆未寫目未免挂一漏十耳詩品在范菁山江午坡間

自石屋洞至法相寺同黃勉之

曠志憶逍遙勞歌厭囚窘縱春鱗薄霄媿秋隼厭彼方內遊夙此塵外軫每挹山水輝都使名利盡煙樹杳芊綿雲峰互虧隱崖屋已靜便祇園復恬引金輪相自圓玉鏡光猶蘊沉照燭靈根依方護玄準理會得有充神開暢無朕雖牽纓組心亦免丘壑哂

明詩綜卷四十

三

軍中酬焦學憲過予思南別署有懷見寄

誰道軍中樂徒勞物外吟朔風淒鼓角嘉節罷登臨州閣依山迥江梅映雪深無由欸高駕愁絕暮雲心

烏蠻灘

一葉中流下千山兩岸開鼉鼉吹浪轉燕雀受風迴巨石迎船出啼猿近客哀從來輕險絕涉此寸心摧

龍江送吳士美移守鈞州

蘆荻蕭蕭鴻雁飛清江石郭重因依孤舟尚憶他年別萬死還從去路歸白首丹心憐汝在窮途青眼故人稀

量移猶是長沙謫落日哀歌事轉非

出青韶州

河戍寒依浦村氓晝掩關隔山明野燒云是小溪蠻

樊鵬六首

鵬字少南信陽人嘉靖丙戌進士歷官陝西按

察僉事有樊氏集

詩一以南師事仲默其論初唐為宗原本仲默也

詩話望之少南同為仲默鄉井繁短論長少南差勝

楊白花

楊白花一夜風吹去知他飛飛落何處金屋重重閉不開
哀鴉啼盡宮中樹

官軍於郎中足賦卷

明詩綜卷四

十四

官軍日食十萬粟邊城財賦苦不足大同宣府鄰封疆
千里極目皆沙場朝廷北顧垂至計馬飢軍餓憂不細
於君自出居庸關芻糧堆積高如山官軍無事日牛酒
偵騎聞之皆北走

寄袁雙溪

聞汝行塵在南陽定汝陽古城遙落日岐路滿秋霜鴈
影江流隔猿聲楚澤長賈生官不達莫怨漢文皇

六合

聯轡來東邑朝來暮復還市廛通亂水城郭帶秋山路
出青楓外江流白霧間西行鄉思切愁絕望昭關

五丈原

英雄久已矣霸跡至今存為惜三分國愁看五丈原春
雲浮戰壘野柳暗營門潏潏金牛道誰招萬里魂

賢隱寺宴別張子言限字

寺門縹緲立孤雲雲裏鐘聲落澗聞白晝蛟龍時並見
青山麋鹿晚為羣窗中碧霧千峰濕樹杪香泉百道分
明發長安萬餘里落花尊酒暫留君

表 十九首

裴字永之吳縣人嘉靖丙戌進士選庶吉士改

授刑部主事調兵部坐失火下詔獄謫戍湖州

用薦補南京兵部員外出為廣西提學僉事有

胥臺臺

文徵仲云永之樂府古律詩莫不合作 吳峻伯云永之古詩法魏晉近體擬唐當其意到一騁數駘沉核無所摹

明詩綜卷四十一

十五

劉而動與作者合度 王元美云裴永之如王謝門中賁介子弟動止可觀 蔣仲舒云裴詩如築城建邑位置整嚴終之悠然之思 詩話永之詩品在后園之上足與吾鄉漸山方駕報顧東橋書云立言之道其難有六學難乎淵該事難乎綜覈辭難乎雅健氣難乎冲和識難乎貫融志難乎沉澹兼是六能而假以歲月庶矣古之立言者率多中歲蓋少年輕俊聞見未廣計慮未周詞鋒則銳而論議則授終乖軌 輒今讀胥臺集多中歲之詩 宜其聲既清會辭亦藻拔也

裴移居峴山精舍

山寺閔精廬移居性所適寧知賓客稀漸與城市隔岡
巒何秀美蒼翠還日夕夏木密以陰幽鳥來几席開窗
見漁舟湖水清且碧焚香日晏坐遣興在篇籍余本迂
散人禪林亦靜僻茲焉遂吾好已矣思屏跡

題盧師陳所居五塢山房

吳邦表靈隩山水蘊清嘉緬惟南橫勝玄邃誠難誇飛

泉懸白雲壘巖棲頽霞連岡盡叢竹密塢多桃花信美
可以居僻性思移家君家南橫側搜討窮幽遐俯臨北
麓峻曲抱南湖斜丹房闕芝朮列豎羅桑麻旣寡徵稅
憂兼無城市譁茲樂寧外獎珪組亦何加

觀魯迭所貢獅子歌

魯迭迢迢遠在崑崙西叩關通道貢俊猊絕漠知重幾
萬譯跋涉流沙經月氏初從羈縻就屬國傾城聚觀途
路塞攀題械脰苦維繫豹鞞為鞘鐵銜勒尾如流星氣
憑陵隅目燭地思奔騰四蹄躑躅毛髮竦瘦脊硤兀排
鋒稜崩雷掣電望風吼青兕辟易玄羆走嗇夫股栗不
敢前壯士變色將無徂奚奴綠鬣深眼睛戟手魑髻垂

胡纓須史鞚引藁街下俛首帖耳猶長鳴刲羊屠狗恣
所欲豐芻肥馘日不足英雄束縛亦如此秦養恩深敢
辭辱始知丹青貌不同彷彿山海圖經中上林已開射
熊館天子賜見長楊宮虎賁如雲兵衛列彊弩短刀防
噬嚙詔謂圉人破檻車玉階舞蹈龍顏悅我聞異物不
可馴袒裼擾之如有神水衡寶鏹勅頒賜不惜金錢懷
遠人嗚呼明王慎德卑遠略珍禽奇獸須教却周征白
狼荒服叛漢閉玉門歌頌作先朝故事傳敬皇魯迭欵
塞曾來王當時謝却仰明聖萬古史冊生輝光今皇端
拱勤內治夷德無厭惟嗜利何當破械縱山林厚賞金
繒絕來使

送陳少參魯南之江西

金章荷聖恩，辭出大明門。驛路雲千里，都亭酒一尊。康
郎城邊春水發，滕王閣上懸新月。輕帆直下疾於飛，幾
日看山遍吳越。楊雄白首薦公車，曾作詞臣侍石渠。直
道自甘終放棄，高才誰肯借吹噓。藩叅四品官不薄，豫
章猶勝長沙惡。簿書錢穀亦何勞，十載功名至方岳。春
來彭蠡鴈難聞，江州江花香暮雲。南歸正及鱸魚美，直
北相思不見君。

送陸子玄遊秦嶽

有客手珮蒼精龍，告我遠遊登岱宗。岱宗根蟠九百里，
絕頂上有秦時封。金泥玉笥秘難見，古文奇字誰能辨。
日觀遙看碣石津，雲峰正對蓬萊殿。海中驚身應天黑，
三山湧出神仙宅。貝闕參差結蜃樓，珠宮掩映藏蛟室。
君登秦嶽觀滄海，九州四瀆皆安在。堂上遺音想絲竹，
壁間經傳尋魚亥。丈夫所志在蓬桑，焉能局促籠中藏。
看君一劍行萬里，五嶽之遊自茲始。

大駕視牲南郊

大路調仙馭，朱旗列禁城。帝牛三月繫，田燭九衢明。日
並龍旒出，山將綵旄迎。橫汾卑漢詠，裡祀秉皇情。

人日齋居雪霽

瑞雪逢人日，堯年感物華。水從銀漢落，山繞玉關斜。帳
殿披晴靄，郊宮闕綵霞。今朝禁城望，無樹不飛花。

蒼梧作

氣候南荒異蒼梧濕更饒山雲晴忽雨江霧夜連朝病
與災俱劇愁隨瘴不消故鄉那可望桂嶺已迢迢

憶橫塘別業

一臥文園病終朝念故山敢希宣室召祇望玉門還橘
想千頭足桑思十畝閒如何五斗米猶自滯南蠻

謁柳祠

羅池非昔日柳廟亦荒頽秋艸重門閉寒花獨樹開文
章真命世今古孰憐才猿鶴如相訴松風晚更哀

謁劉賢良祠

高樹臨流水空庭澹夕陽萬言翻下第三黜竟投荒事

明詩綜卷四十

六

業存青史英靈儼白楊古來稱屈者不獨一賢良

自柳至平樂書所見

鬱白方言似潯梧瘴氣賒蚺蛇晴掛樹射蜮晝含沙屋
覆湘君竹山紅蜀帝花夷堅收未盡博物待張華

招鶴

獨鶴忽飛去冥冥滄海東離哉翻羽翼幸矣脫樊籠影
憶空庭月聲鄰別院風凌霄自有志吾豈學支公

送陳德夫使魯

帝曰封同姓皇華送使臣河山藏漢誓寶玉展周親殿
說靈光古經傳孔壁新余生好文獻一為訪先民

送何給事善克守衡州

衡陽楚上流太守古諸侯五馬橫金去三湘露冕遊猿
聽巫峽夜鴈數洞庭秋今日辭青瑣還將諫艸留

秋興

仙仗行宮舊內居花間往往駐鸞輿徒聞漢帝橫汾曲
不見長卿諫獵書天子射蛟開水殿奚官牧馬遍郊墟
蒹葭首著秋無限悵望燕雲萬里餘

登匡廬山

峯峯廬嶽近天都萬丈丹梯鳥道孤樹裏泉聲飛瀑布
空中煙霧起香鑪峰形下瞰蓮花嶺江勢遙吞彭蠡湖
白鹿仙巖何處是却看五老在虛無

采香涇新莊

明詩綜卷四十

九

誅茅闢闔城之西路轉采香涇上隄濃陰榆柳綠當戶
秀色芙蓉紅滿谿力田輸稅半栽秫鑿沼養魚兼灌畦
每媿長公高隱志杜門從此可幽棲

張學字長公

西蘆辭

君家滄瀆城城西蘆子渡蘆子何蒼蒼秋風吹白露

范

言四首

言字孔嘉秀水人嘉靖丙戌進士授蒲圻知縣
改保定儒學教授歷國子監丞陞大理府同知
有菁陽集四音存湯義仍云菁陽實有其文孤秀清贍陳仲醇云菁陽詩文深往獨至最合古

法

詩話菁山先生不畏強禦爲國子監丞時嚴世蕃著紅袴入上舍先生
夏楚榎之分宜次口造門謝未幾而大理丞命下矣嘉靖初吾鄉稱詩

必以先生為巨擘屠諭德漸山長歌云青山先生真瀟奇文章垂世光
陸離懸黎結綠世莫識陽春白雪和者希是時漸山詩名籍甚顧入室
稱弟
子焉

駕出北郊

清蹕辭南陸玄宮禮北郊周廬屬霜戟行吹雜金一作風鏡

齋後陳周幣明禋薦楚茅還聞天樂在縹緲下雲梢

別華鴻山翰撰

細雨花邊路閒亭竹外扉地偏亭榭古春老燕鶯稀柳
色侵歌扇藤稍拂舞衣新愁忽高會知爾遠懷歸

鶴樓別意

吹笛高樓月色新不知江上有離人柳條欲折可憐暮
梅花即開何處春孤舟泛泛剡溪雪落日迢迢揚子津

明詩綜卷四

十

天涯我亦索居久為汝長歌一愴神

曉發吳江

垂虹橋邊曙色微三高祠下露華晞画船打鼓出城去
秋水滿江鴻鴈飛

趙時春二首

時春字景仁平涼人嘉靖丙戌進士選庶吉士
改兵部主事以建言下獄尋補翰林編修又以
上疏放歸會邊警起領民兵自副使超拜右僉

都御史巡撫山西有浚谷集

李伯華云浚谷詩有秦嶺
浚谷伸紙行

墨滾滾而出杭浪

自恣不欄格律

詩話景仁慨當以慷

如擊唾壺不必中節

送陶虞卿赴神機參將

宋殿三衙帥唐環十六軍官聯參斗柄旌旆儼星文羽
衛迎黃道龍光覲紫雲時時仙仗入清蹕早應聞

留滯

留滯滄洲已浹旬鷓冠終日滿風塵浮雲何事來還往
歲月無情秋復春海甸中宵來驛使天涯盡處未歸人
不堪對酒翻惆悵翠篠黃花幾度新

王慎中

十七首

慎中字道思晉江人嘉靖丙戌進士除戶部主
事改禮部復改吏部歷員外郎中謫常州通判
稍遷南戶部主事轉禮部員外陞山東提學僉

明詩綜卷四十

五

事歷江西參議河南參政有玩芳堂摘稿遵巖
家居集

王元美云王道思如鸞戈獨鳥撲刺道迅殊媿幽闇之狀
略與唐應德相仿

道思詩體初宗豔麗工力深厚歸田以後懷

雜講學信筆自放
詩話劉涓材憾曾子固不能詩余嘗見宋人所輯唐宋八家詩韻則于
固與馮不得謂非詩家矣評明人詩者不及王道思然道思五古文理
精密足以副響頌謝而論者輒
言文勝於詩非知音識曲者也

遊西山

良辰辰首夏肅軫遊西山山形何翠嶺洲渚互相繚奔
湍既下赴危峰亦上千谿石洞窈迤邐飛梁懸朱葩
晞陽谷翠羽羽蔭陰巒闕室象霞構疎蔓憑風騫抗宇凌
層基列楹俯流泉好鳥揚幽音弱葉濯清漣豈惟耽遠
遊因茲達大觀拾乳歷窳窳擷芳陵贊屹渟渟出澗淙

靄靄冒隴煙水碧間清藻靈颺苗瑤菅履險神彌豁入
幽情更延隱巖懷子真蹈海期仲連遺形九州外棲迹
萬象顛崇深惟素秉神理迷真詮遊心返冲漠斯道庶
不謬

山行

鷗夷泛左蠡康樂慕東甌屐泯無續蹤舟沉誰溯流至
人與物化曲士局時謀疑冰晒夏蟲將隨汗漫遊蜿蟺
旣沿澗崎嶇復經丘振袂陟危巘解纓濯澄洲石滑時
藉蘭巖蹇或蹇膠文芝榮華巔秀穎蔽平疇綠葉莖成
帶漱泉憂如瓊霏霏雲出岫浙浙颺扶輶旨酒盈瑤卮
臨風自獻疇身已塵象超心與灝氣游緬懷羽化客高
舉不可留精搖生乃勞欲淺道則修簪紱為鞿緹撫已
竟誰尤

明詩綜卷四

三

秋祀先師恭述

維馨歆歲事有恤恭明神豐功報宜重孔祀典攸敦明
明天子命宣哲協欽文咨惟百工長曰予克宅臣攝事
昭我將奏假具惟寅庶僚旣濟濟多士亦振振肆佾表
殷薦大烹羞明禋格思儼無斃仰止儀自遵大哉聖人
德展爲帝者賓

十二夜月與張子同玩感述

高旻蕩浮翳仲冬淑氣清良夜何未央憩坐臨前楹舒
景揚雲端皓魄委廣庭灝英鮮瑤席華彩鑿雕樞稍稍

風露重微微河漢明眷茲泰宇寬展席諧芳芻撫景遺
俗迫即事寡氛嬰豈惟祛煩積亦以湛心靈戒盈君子
德和光達士情葆曜貞有孚養晦善自名

普光寺睡起

羣動各有營感感不得息嗟哉尺蠖徒煩褰牽物役豈
謂塵中姿還寄雲外跡古刹絕浮氛法堂鮮來客首夏
澹新涼偃臥不知夕覺來盼高峰近遠各異色草搖席
下芳筠散尊中碧鳥語無俗音泉漱皆冽沚俛仰愜幽
賞去矣從所適

登金山口絕巔

地紀控西界靈山亘北甸足弱步履總崖峭石猶踐枝

明詩錄卷四十

三

樛迺能援葛脆不可挽當其意象開豈復慮高蹇瞻峰
皆崩施陟礪數迴緬稍覺天地寬即看雲煙變石竇芝
自榮林罅雪尚泫典闕無近尋登高有遠見周圻蠹五
雲易水通一線微茫燕趙區歷歷皆可辨長嘯發靈籟
倦坐席苔蘚氛垢苟不嬰沉慮斯可遣

異典

南郊工就冬至前四日上親勤玉輅習郊禮於
壇上威儀卒度周折咸中小臣從觀其美作異

典

芝壇斂浮景休氣郁昭清晨旭流翠葆泰風颺華旌飛
龍麗重霄縹綏在天庭式禮紆皇步篤恭軫聖情几几

殲承寫亭亭雲耀絃乘離臨日鑿乘乾健天行升崇儼
帝對納陛惕陵兢周折並圓方興俛以屏營萬舞羅臬
帳廣樂隲咸莖度以哲罔忒文用道自弘卒事秩無僞
百辟具維刑壘壘不顯德千載揚徽稱

章丘縣校士六月十七夜月有作因示諸屬

日入羣動息予亦遂休茲稍喜喧濁屏徒步臨前墀仰
見明月出忽與心賞期湛曠神俱王虛明意自宜况逢
時雨霽宿潤含華滋品物各懷榮因得靜中窺始悟玄
寂理寧為躁競知亦有盈尊酒屢進不一持非此莫與
同真賞豈因之

遊大明湖晚至北極廟登覽

明詩餘卷四十一

五

春城足遐觀攜手復嘉客欲極高深趣停橈理輕策林
木飛鳥還蒼茫煙景夕返照射巖丹遙空帶水碧山色
晦彌明人聲喧更寂燈火起閭閻漁樵散原澤當歌浩
思盈對酒沉憂釋不知驩娛滯天表生皓魄

遊白鹿洞

素嬰丘壑情況乘英賢想寤寐懸宿心遊盤得茲賞重
陰始晦蒙杲杲旋開朗攬勝據巉巖探奇歷榛莽境闢
百慮空意愜二儀廣野色淨巾衣秋容成物象菊含露
下英泉作山中響柔葉稍朝零剛條非夏長景光易流
徙今古同俛仰躊躇悵回軫何時還獨往

亭宇憑虛空結構出妙境攀援藉葛藟毫末凌光景豁
達四天通夷猶雙目騁雲生當正襟風起吹方領泉脈
散千峰湖波澄萬頃煙霏自開斂魚鳥各翔泳即事天
機深忘言外物屏始知世上日不比山中永

遊麻姑山

雲出本無心擇棲多奇巖類予慕真勝涉趣不知遠初
緣碧澗行幾傍丹崖轉林追去虎蹤磴躡飛猿踐泉流
遞淺深巖谷變陰顯歎瀑遇留憩石牀時仰偃桂芳洞
裏秋霞映山中晚探異尋前期入幽忘後反神遊力不
捐理愜情俱遣天路如可梯欲以微官免

餘千道中寄懷江午坡僉憲

明詩綜卷四十一

五

湖水日夜綠輕舟隨泝沿肅肅賓鴻羽侶侶悲楚天征
人正盈抱坐使憂思牽所思何爲者我友阻良緣昔望
闈音容幾經芳歲捐緘素詞難極馳情間山川今來接
面目曾不須吏間四體爲人役從事嗟獨賢倉卒執杯
酒沾脣不下咽新篇何由覲妙理未及詮宿懷如糾結
待子解其纏乍見翻違去持此竟莫宣

侯民部靜溪招遊甘棠湖陪憲使管復齋諸公

積雨夏陰生瀾漫湖水遍悔爲一室拘幸奉方舟宴速
喚微出江雜芳正盈甸沿流始泝洄逗浦更游衍樹色
逐橈迴波容隨望變放情魚鳥閒景旻不知晏一杯已
可歡况以偶時彥

洪方洲養疾山中惠訪草堂因而留館

裊裊桂樹枝涼風日將變生色難久留華光苦流轉夫
君如不來胡以慰偃蹇今夕良何夕悠然適我願片雲
本在山出岫亦游行吾園雖蕪沒物意皆疎遠以茲城
郭深豈必山林善開軒散煩促憑檻息步踐新颺起艸
頭白月浮池面蕭閒秋正初徙倚夜方半君自所好殊
疵吝何足眷

訪空同先生故宅

久欲求遺草今來訪故廬北窗存臥席東壁有藏書墨
沼春苔長琴臺夜月虛年年桂花發人擬子雲居

過寧庶人故陽春宮

明詩綜卷四

五

邪陌轉城闈重門曲水濱人談亡國地花發舊宮春珮
冷空梁月歌銷積棟塵堪悲當日事議識帝家親

李元陽

一首

元陽字仁甫大理人嘉靖丙戌進士選庶吉士
除戶部主事擢江西道御史出知荊州府致仕

冬夜

漫漫冬夜長熒熒孤燭光山人自無寐况棲修竹房修
竹夜浙瀝蕭灑吟寒蠶朗月照戶庭鳴泉歸故塘別葉
棄寒風餘芳委嚴霜東壁正中昏振衣起徬徨徬徨豈
有他望道吁升堂悠悠歲云暮還哉猶面牆寸陰與彈
指久近不可量千古在須臾安得不悲傷

何禪孝云此下有
蘧伯玉及時勉學

之意非留
連光景者

明詩綜卷四十

明詩綜卷四十

二十七

明詩綜卷四十

